

龍城舊聞節刊

龍城舊聞節刊目錄

序

卷一

建置

沿革大要

建置始末

附齊齊哈爾城考

風吹卜魁之神話

卜魁首義

古蹟

將軍府 將軍府 大人府

水師營

演武廳

稅課司

各局附倉庫堂汛學舍

建設年月日地址表

孔廟

關廟

城隍廟

普恩寺

各廟祠建修年月地址表

恩公祠

古塔 紅豆山房

芍藥廳

官溝

北關集

木葉山

蛇洞

七金山

蜜水

九龍巷

古城 船倉行館

礮樓

總督墳

將軍墓

王工部墓

廣古墳

將軍坊

賢孝牌

塔

將馬場 梅楞屯

尼堪外蘭故墟

西站

虎谿

呂氏故宅

詩社

經義書房

故鶴園

龍坑 驪殿



附東湖別墅龍沙公園

卷二

人物

鄉宦

達克薩哈 塔爾岱 (附滿洲民族考) 阿爾賽 海蘭察 德英阿 富勒洪額 阿滿泰

莽喀察 富明阿 (附場城恩碑) 色爾固善 富隆額 烏力布 德興阿 吉爾洪額 烏爾

袁布 舒通額 溫德勒克西 善慶 (附御賜祭文) 多隆阿 穆圖善 (附壽文及德政

碑) 巴揚阿 成慶 壽山 (附遺奏)

倫布春 富永阿 穆克德布 勒爾克善 托克托布 托克通阿 阿蘭保 田屯 沙普

紐倫 恭泰 阿穆勒塔 崔璉 崔魏 崔璠 果德興 達呼爾林 延順 湯克音

名宦 (附)

清黑龍江將軍任期表 清齊齊哈爾副都統任期表

方觀承 訥爾樸 龔光瓚 王霖 蔡毓榮 李錕 傅藻 李仁山 齊某 章汝南 世

臣 朱樹穀 王性存 李慎吉 范如松 武詡

民族（附）

漢人 漢軍 水師營人 站丁 屯丁 滿洲 蒙古 索倫 達胡爾 巴爾虎 瓜爾察
錫伯 額魯特 他賚 鄂倫春 奇勒 布乘雅 扎薩克圖 回回
附黑龍江流域民族

庫野 費雅喀 恰克拉 七姓 赫哲

卷三

禮俗

婚禮

喪禮

祭禮 宗祭 墓祭（一）例祭（三）忌日祭

慶賀 弔奠

祈禳 薩瑪教考 附記

宗廟類 閨閣類 節令類 居室類 飲食類（糜子考） 衣服類（兀喇考） 器用類（棒

木考）（嫩江考） 迷信類（章郎虫考） 制用類

龍城舊聞節刊序

四

齊齊哈爾市之有志乘自清雍正初方恪敏公觀承始其所著之卜魁風土記筆路推輪雖為龍江文化之祖惜寥寥五百言語焉而不詳繼其後者為道光間英和之卜魁記略其時地方設備漸繁取材較易而吉光片羽簡略仍復相等然以言齊市志乘外此無聞焉蓋民風右武文獻無徵欲考齊市掌故書缺有間其所由來舊矣近歲己未春魏君木葉始有龍城舊聞之作關於齊市之建置沿革人物物藏石民族禮俗之異同紀載始稍稍備惟刊本無多距今又廿易寒暑每遇有所參考其書殊不易覓相與而相過疏余懼其散佚也爰為摘要錄存用資借鏡於是予始有節刊之舉非敢有所去取聊求裨於實用已耳原書分四卷曰建置曰人物曰禮俗曰藝文茲為備齊市政務參考之資錄其有裨於實用者否則從略故刪去卷四藝文其卷首序文題辭例言及建置卷中古器等篇亦概從刪選輯既卒業參之曰龍城舊聞節刊乃付梓焉更綴以言曰文化者日新而月異者也志乘者代興而迭出者也齊市文化在昔雖為後進今何時乎文運天開人才亦應運而蔚起志乘之作今豈不適於古耶木葉山人舊聞之編既肇於前後之人關心地方文獻必有引為己任而蹶然興者發揮而光大之又何多讓是則予之厚望也夫遼中揚乃時識于齊齊哈爾市公著

徐鄉魏毓蘭馨若氏編輯

建置

沿革大要

齊齊哈爾城因省會所在或直曰龍城謂黑龍江省城也

舊黑龍江城
在今愛輝

東經七度一分北緯四十七度

三十分十四秒全城轄境起東經六度九分東暨十度四十六分北緯四十六度四十二分北暨四十

八度三十六分南北縱二百二十一里東西廣五百九十五里東南至西北袤二百二十七里西南至

東北袤三百有三里在虞夏商周時為肅慎氏故墟秦漢遼狅地後漢三國魏夫餘北境晉燕漫汗國

後魏北齊為豆莫婁地西屬室韋西南為涉羅國境正始中百濟並涉羅屬北濟尋屬勿吉隋靺鞨黑

水唐黑水靺鞨地宋契丹遼上京路伯斯魯骨德部南長春路北境西泰州東北境金蒲與路肇州北

境西泰州元初乃顏大王分地後屬開元路至元中曾屬蒲峪路屯田萬戶府明置孛顏衛又於境內

錯置可吉汗納穆河阮里河牙魯阿倫葛抽哥古魯兀刺勿塔克塞克拜苦蘭河諸衛及兀討溫所清

康熙間築城垣置將軍屯勁旅遂以齊齊哈爾為省會與吉林奉天鼎足而三屹然重鎮稱東北保障

焉

今人考齊齊哈爾沿革上溯黃唐有謂齊齊哈爾黃帝時為昌意故封者案史記嫫祖為黃帝正妃
生二子其二子曰昌意降居降居若水索隱若水在蜀即所封國也其非黑龍江境內明甚考北史
魏之先出自黃帝軒轅氏黃帝子曰昌意昌意之少子受封北國有大鮮卑山因以為號其後世為
君長近世地學家謂鮮卑山即興安嶺據此則齊齊哈爾當為昌意少子封地非昌意也

又有謂齊齊哈爾城唐堯時為幽都域者案書堯典宅朔方曰幽都注以幽都為官名淮南子堯北
撫幽都高誘注陰氣所聚故曰幽都雖與堯典蔡注萬象幽晦之義略同實以幽都為地名矣莊子
流共工於幽都舜典作幽州注北裔之地山海經北海之內有山名曰幽都之山黑水出焉又西望
幽都之山浴出焉郭景純注浴即黑水西清氏黑龍江外紀謂此黑水即今黑龍江北史昌意少子
受封北國其後世為君長統幽都之北廣漠之野幽都既為黑龍江地齊齊哈爾或幽都城也

又近人輿圖說謂黑龍江城（即愛琿）漢以前為肅慎氏地而齊齊哈爾不與焉考晉書肅慎氏
東瀕大海西接寇漫汗國似齊齊哈爾城為寇漫汗地尚在肅慎氏西南然新唐書黑水靺鞨居肅
慎地又唐書黑水傳其靺鞨地南距渤海東北皆際西抵室韋南北袤二千七百里西千里古肅慎氏
疆域廣延當不止如晉書所云齊齊哈爾城為故黑水府西境屬室韋則其地為肅慎可知又清一
統志齊齊哈爾古肅慎氏地 案肅慎即息慎史記辨本紀九州莫敢辟違唯禹之功為大方五千

里至於荒服北山戎發息慎鄭玄曰息慎或謂之肅慎東北夷齊齊哈爾城距舜都蒲坂直徑兩千五百里實在高麗荒服之中三國志魏書東夷傳自盧暨周西戎有白瓊之獻東夷有肅慎之貢是知齊齊哈爾在虞夏商周時固皆肅慎氏地餘不備舉

建置始末

齊齊哈爾清初達呼爾錫伯卦勒察諸部戈獵游牧之地康熙二十三年因征羅刹於嫩江西岸去今城十五里之齊齊哈爾屯設火器營參領駐守三十年黑龍江將軍薩布素會同寧古塔將軍佟寶議建木城於齊齊哈爾及伯都訥以樹聲援尋以齊齊哈爾與墨爾根中隔嫩江不便改今卜魁地仍以齊齊哈爾名城官文書皆稱之緣卜基之始名已入奏難追改也惟土人習稱卜魁至今猶爾是年費打牲總管馮布岱副都統銜暫守旋額設城守尉三十七年裁城守尉移墨爾根副都統來鎮三十八年黑龍江將軍亦自墨爾根來移駐齊齊哈爾光緒三十一年裁副都統三十三年裁將軍設黑龍江巡撫改行省入民國後設都督尋廢都督設民政長軍改則置護軍使領之民國三年五月改民政長為巡按使六月改護軍使為鎮安右將軍旋改將軍為督軍巡按使為省長如今制

附齊齊哈爾城考

案齊齊哈爾內外兩城同時並築黑龍江外紀齊齊哈爾內城排水為重垣中實以土具雉堞之觀

方一千三十步崇丈八尺外郭因沙阜高下築以土堡方十里東南北各一門西二之有大小西門
之稱康熙三十年築西清氏此紀於城之面積高下當係約略之詞改內木城為方形周五百一十
九丈六尺方二里八分有奇高丈六尺光緒八年改建磚城一仍舊貫四門南曰迎恩北懷遠東承
輝西平定外土城南北長圓形周一千七百七丈方九里五分有奇卜音首站設西南隅特闢一
門曰小西門其四門亦於光緒八年以磚瓦改建加層樓焉名其門曰南薰東啓北朝西關如
風吹卜魁之神話

齊齊哈爾城每春日大風捲水林木為摧飛塵蔽日白晝黃昏沙隕如雨居人相傳有風刮卜魁之
謠老清初副都統霸奇蘭屯兵江西之齊齊哈爾屯規取江東乘大風之夜拔軍渡江駐卜魁站掘
沙土築營壘一夕而成天明視之荒涼舊站勿呈壁壘之觀土人詫焉以為此江西齊齊哈爾屯之
兵營昨夜大風竟被吹過江東來矣嗣薩將軍因土壘建木城恭將軍改木城為磚城寂寞之鄉一
變而為省會繁盛之域居民每於大風中談往事猶以為今日之卜魁城係昔年被大風吹來者亦
神話類也案磚城甃圍折於都督宋小濂外土城則將軍程德全廢之所以利交通也今省教育會
為南門土城之舊址工業學校則夷北門土城為之

齊齊哈爾城土人稱卜魁習俗相沿莫能詳厥由來黑龍江外紀古齊齊哈爾城雖以名城而卜奎實
通稱卜奎方言也清語奎作克伊切有音無字因以奎代亦作魁或作博克西誤有解卜奎為江名者
皆附會俗或以為不灰愈誕妄卜魁紀略則以卜魁為村名龍沙紀略以卜魁為站名又曰或謂大力
人為布枯曾有布枯居此故名今曰卜魁誤也案卜魁二字當由於隋之伯咄唐之汨咄與遼之鼻骨
龍古跋苦金之蒲與元之蒲峪李苦明之拜苦各音輾轉遞變而來隋書靺鞨七種有伯咄部即新唐
書靺鞨之汨咄部遼史鼻骨德部金史作龍古德部世紀云龍古德部節度使言於遼曰欲平虜路非
生女直節度使不可大祖紀二年甲午十月克寧江州後龍古酋長胡蘇魯以城降天輔三年正月丙
辰詔龍古孛童酬幹忠義傳天輔五年九月酬幹僕忽得往龍古河藉軍馬又云酬幹率濟渴路兵撫
三坦石里狼跋苦三水龍古城邑皆降之賊室韋五百於阿良葛城考遼之伯斯鼻骨德部疑即隋之
靺鞨伯咄部唐之靺鞨汨咄部遺人在粟末之北者金人謂之龍古德省稱龍古蓋以女直音譯變耳
阿良葛即明史所謂兀良哈其地在嫩江右岸科爾沁郭爾羅斯前旗及扎賚特旗牧地若龍古德節
度使所治當在今吉林伯都訥左右其戍戶所居則北抵齊齊哈爾所謂戍境內居境外也元史兵志
蒲峪路屯田萬戶府世祖二十九年以變軍三百戶女直一百戶於咸平府屯種三十年命本府萬戶
領其事仍於茶刺罕刺憐等處立屯三十一年罷萬戶府案蒲峪路即金蒲與路之轉音茶刺罕疑即

阿勒楚喀刺憐即拉林音並近也又元史地理志合蘭府水達達等路土地曠闊人民散居元初設軍民萬戶府五總領北邊一曰桃温距上都四千里一曰胡里改距上都四千二百里大都三千八百里一曰幹朵憐一曰脫幹憐一曰孛苦江孛苦江軍民萬戶府近浦峪當線浦峪路即明嘉靖時置拜苦衛地清初設布魁站皆仍元軍民府舊地孛苦當為真骨龜古跋苦諸音之轉拜苦卜魁又為孛苦一音之轉證以伯咄汨咄鼻骨龜古跋苦浦與浦峪孛苦拜苦各地皆在齊齊哈爾境內此說或非支離其所由來漸失

古蹟

將軍廟 在磚城中偏東即今省長公署舊址正門三盈轅門東西向繚以鹿角中建雙軒朔望及拜疏揭黃旗正門內戶兵刑工四司左右列儀門內東西復有四司夏日治事其中為大堂次後堂皆五楹後左曰暖堂冬日坐之左曰印房俗稱堂司東北隅樓房十楹軍器寶物皆居也大堂東樓三楹銀庫也後正房三楹主事治事所也房後有屋守庫者居之每日官二員兵十員為領守將班稽察之自康熙三十二年創建迄今官制屢改而署址未移

將軍府 將軍私宅稱府在驛舍西北清康熙三十四年建蓋有鐘鼓樓以傳更點將軍那穆泰執務宗言毀之懸鐘南門側每夜鐘起商販擊柝以應庚子之役將軍壽山預府內俄軍入城戈爾薩

備逐據而居之丁未春俄兵退善後局移入及改行省設度支使司年餘即歸併以其地為巡防營務處陸軍籌練處又改為東三省駐江兵備分處旋為審計分處其東設文報總局西置設禁煙公所又設清理財政局嗣為國稅廳籌備處今則改為財政廳其地常為兵賦重要之地云

大人府 副都統私宅皆稱大人府舊在木城外後移城內在將軍解北某將邸為大人府不宜在將軍衙署上又改城外嘉慶十一年火依舊制仍建廨舍北與將軍署隔一街即今都道署也

火器營 舊在內城東北隅即大人府之左近清康熙三十二年建神威無敵文將軍總庫正二極左為神威將軍礮庫又南為鉛丸礮庫右為子母礮庫又南為軍械庫各三楹前建總門一楹門外左右各建官兵值班堆撥一所四周繚以土牆其右廂則木棚圍之又西一面外築土牆長十五丈五尺今改參謀處

水師營 水師營署舊在土城內西南隅後改提學司署又改警察廳即今龍江道尹公署西路小學在嫩江濱之船套子即昔水師營庫水師營兵皆調自福建今道署附近之土著其元世皆福建人若爾田林姓同安陳姓在福建本巨族徙塞上仍大姓也雅克薩之役建議侯林興珠立羅網為閩人立功塞外之祖故當日水師營之權勢雖不得比於滿洲以視屯站漢人殊為優越

漢武廳 舊在土城南門外之東南清道光十八年設正廳五楹繚以厚牆東西六十六尺南北八十

尺正門三楹左右各設便門一門前磚臺寬四十尺長三十尺今改龍江廳署

稅課司 磚城南門外迤東正稅房三間長三十四尺寬二十二尺東西兩廂左為造廚右儲柴炭木

門木柵規模狹窄今龍江徵收局仍設此

其他局所倉庫營汛各機關今多改建茲將舊時建設年月及地址略記如左

機關名

建設年月

建設地址

電報局

光緒十三年

將軍府前

輿圖局

光緒十九年

電報局前

軍器局

土城東門外東北南向

前鋒營

內城南門外迤東南向

街道廳

內城南門外迤西南向

駕馬所

土城南門外迤東南向

大獄

康熙三十口年

內城西門裡路南

周圍磚牆南北二十三丈四尺東西十一丈高一丈七尺

廣積倉

康熙三十口年

土城西南二里許

軍械庫

光緒十七年

將軍廟偏南北向南倚內城西接大仙堂

南火藥庫

土城東南隅二里許

北火藥庫

內城北門外西北隅南向

西火藥庫

城外大江西

船套子庫

康熙三十口年

城外西南距八里許船套子屯內北向

中路營房

光緒

城南五里許南向

前路營房

同上

同上

左路營房

同上

同上

右路營房

同上

同上

後路白旗隊營房

同上

城南里許南向

六起馬隊營房

同上

城南五里許南向

四起馬隊營房

同上

土城南門外里許南向

五起馬隊營房

同上

土城東門外里許南向

砲隊營房

同上

內城東北隅南向

武備學堂

光緒二十四年

內城東門裏南向

漢官學

將軍廟東偏北南向

漢官學

滿官學西南向

義學

光緒九年

內城西門外偏北路西南向

孔子廟 磚城內東南隅為孔子廟清咸豐元年建東西柵門各一東近城根惟西門通行樓臺門外有泮池甚狹僅丈餘江省民居院宇皆甚大而泮池獨狹隘何也中為大成殿東西廂為兩廡皆卑宮土次不遠公署之旁屋殿後亦無啓聖祠四周圍牆南北二十三丈四尺古樹高起氣象清森擴充而修葺之是在職司教務者

關廟 舊在土城西南里許清嘉慶戊寅六月建土人祀關羽最虔呼為關老爺廟稱老爺廟或但云供老爺不稱武聖亦不稱帝君直以老爺二字代神名矣任僧為清關以罪遠邊者云能相人置有關帝錢自磚城南門內之大仙堂被毀後迷信者多來此卜禍福香火獨盛東廂有內台為舊時演戲處今則為厝樞所矣西殿供大士廟內並附祀各匠之神

城隍廟 在土城內西南隅清嘉慶十年建相傳神最靈像如四十許人云是生時嘗鎮斯土歿而祀之者西清黑龍江外紀云有盜馬案主者審七閱月已具服其魁吳保兒獨無辭將軍觀明疑之命

西清與果德興等復審夜聞神前問之未及明情盡得後聞吳保兒入廟時殊沮喪數垂頭自語曰此豈兒戲地邪於此見神道設教之理因書額曰惠從影響懸殿上時嘉慶十三年七月

普恩寺

俗稱娘廟在城西三里許河阜之上宮殿崇闈院宇軒敞東西南三面圍以木柵縱長三十

一丈橫寬三十六丈林木翁鬱丹碧輝煌為遊覽佳處寺中有紙本飛來大士相頗著靈異寺前有海梁亭曰浮幻因緣廟會期在四月屆時演戲禮佛士女麇集殊有人山人海之觀又相傳有人與龍戰於寺前江上今改藏書樓

其他各廟祠建修年月及地址略記如左

廟祠

建修年月

建修地址

先農壇

城東偏南里許

萬壽寺

光緒二十九年八月

土城南門外偏西南向

藏經樓

道光二十九年八月

接近萬壽寺西南

案藏經樓亦曰地藏寺土人皆名曰萬壽寺其實萬壽宮與寺毗連自成一院落也

風神廟

光緒

關廟西院

三官廟

乾隆二十年

土城南門外街西

大悲寺

道光二十四年

土城南門外迤西

一三

龍王廟

道光六年六月

城外西南半里許大悲寺西

藥王廟

道光十五年閏六月

土城外西南三官廟迤西大悲寺左近

斗母宮

道光十年

磚城南門外稍南偏西大街石巷

財神廟

道光四年

城外西南二里許

北土地寺

道光七年五月

磚城外正北路東

文昌閣

嘉慶丙寅八月

磚城外西南卜魁站界內

文昌閣亦稱馬神廟真武牛神附祀

鬼王廟

道光六年六月

龍王廟西

鬼王廟亦稱大悲寺

河神廟

城西三里許在嫩江東岸

江神廟

城西北三里許在嫩江東岸

大仙堂

光緒

磚城南門內路東南倚內城東接軍械庫

穆公祠

光緒十口年

土城內西南半里許在廣積倉東

昭忠祠

土城外東南半里許

船套關廟

康熙

距城西南八里許船套子屯內

回回東寺

土城內西十字街胡同

回回西寺

同上

恩公祠

省城西南營房附近有恩公祠為前清黑龍江將軍恩澤之專祠子崑崇統武衛軍駐劄江

省

古塔

在舊土城東門外里許居良震之間平岡之上以甌灰砌成高可丈餘故老云創建有城時特設

以鎮城者今尚存

紅豆山房

房在舊土城東南隅侍郎保泰嘗居之後贈龔光瓚龔去賣入官院中野草一叢秋結紅

豆西清氏榜曰紅豆山房

芍藥廳

在將軍廟西北精舍三楹疊石為假山將軍觀明裁野芍藥數本顏曰芍藥廳廳前自字一株嘗

秋月再花將軍有詩紀之

官溝

舊土城西門外踏江漲為池號（西泊）土人便之將軍傅玉處或涸鑿渠引江水源源而來

渠成名官溝宗室永琨為將軍嘗携僚屬泛舟於此後將軍那啓泰以形涼之說悉渠涸雖存水淺

見底所積者積雨為多

一四

北關集 每歲五月布特哈官兵悉來齊齊哈爾納貂皮互市魏楚勒罕謹言盟會也初在城西北四十里因沁屯本名克伊勒屯乾隆六十年以事改城中其部人卓帳城北故俗有北關集之稱

案楚勒罕之在因沁屯也將軍副都統率屬僚駐劄其地凡宮廬馬匹及羊酒皆布特哈按項供應穆噶事者謀求無厭布特哈苦之未有以發會部卒為齊齊哈爾兵所毆走白將軍反得荷校罪於是副總管奇三列欵潛之水蘭行在奏之勅重臣來省案問得實將副都統以下皆論罪奇三亦以越分上書成伊犁先是奇三將上書請於其母母曰救一部出湯大即死不辱汝父吾何恨奇三誠達呼爾巨擘母亦賢婦人也然齊齊哈爾布特哈不相能自此始

木葉山 山名於遼代最著風景絕佳前人多見諸歌詠惟山之所在諸書所載不同黑龍江外紀謂齊齊哈爾西北穆克圖爾山相傳即木葉山蹟云

蛇洞 在碾子山頂洞有巨石覆焉由石縫內窺深黑無底相傳清光緒初一巨蛇自洞中出探首牙齧河內飲水尾端向在洞中其長大可知俄人築東清鐵路時蛇出為俄人所見以砲遙擊之不中蛇怒鼓石斃數人自是不復出土人以為神洞口置石几石鑪多往祈禱者亦曰仙人洞

七金山 齊齊哈爾西北索岳額濟山遺之七金山也清乾隆間有荒火之變林木蕩然野獸焚死無

真至今巖石佳處猶有燎原遺迹荒火之害如此

蜜水 城中井水濁而鹹惟東郭陶家側一井獨甘有力者爭載入城號曰蜜水

九龍巷 城中通衢小巷舊無名號可稱惟南門一街因有酒樓俗呼九龍胡同亦曰九龍巷九龍者

酒樓之轉首也今直曰酒樓胡同

古城 江省境內多古城其在齊齊哈爾城境內者西北四十里有喀喇屯古城中多松木望之蔚然

大樹一株在城後公海蘭察既貴嘗望樹祭其父益父寄食此屯死無墳墓故也西南三十里梅樓

屯有郭勒歡城方二里尼堪外蘭銀西五十里網安屯有克伊特城方口里西七十里哈尼雅台屯

有郭多城方二里東三百里有鄂克低城方一里此外東南六十里有勒布圖爾城南一百五十里

有綽勒城西北二百里有阿齊口城東北三百里有喀布齊城三百六十里有欽延城東二十里

額爾伯特伊河有城無名土人並以古城稱

船套行館 在城西南十二里其地近臨嫩江微有林阜所居皆營卒中有關帝廟水操及祭船時以此

為行館舊有大戰船十隻二號戰船十五隻江船五隻備用物料庫亦在此今則風帆沙鳥點綴荒

涼夷為野渡矣

碣樓 將軍傅玉命金川苗運內頭安嶺亂石在齊齊哈爾北境造碣樓二座遺迹猶存

總督墳 土人有住京之例尚書阿爾賽漢軍崔氏也居京師受世宗知累擢將軍並湖廣總督內用

戶部尚書乾隆初為涼丁所戕歸葬齊哈爾城東北五里許俗稱總督墳

將軍墓 一黑龍江將軍塔爾岱之墓在城西南距三里許 一福州將軍穆圖善之墓在城西北巴

奇哈屯距十八里 一西安將軍多隆阿之墓在城西北巴奇哈屯距十八里 一荊州將軍巴陽

阿之墓在城東北高糧屯距三十五里

王工部墓 王煥字輔臣浙江紹興人以工部郎中出贊黑龍江將軍松山戎莫中清庚子奉匪之亂

中俄失和將軍主戰王力爭不可遂被殺同官某為收遺骨葬於山江沿關帝廟側即今倉西公園

望江樓下也距王死三年吉林達將軍 貞奏得昭雪贈太僕寺卿王無子更十數年後墓已荒

廢知其事者其鮮民國四年黑龍江都督木公慶瀾表章先烈聞其事而哀之詢其原無有能歸骸

者求王叢葬處刻其莽崇其墓且勒石焉迄今孤墳三尺豐碑猶存朱公力也

蒙古墳 齊齊哈爾城東一墳類僧塔而所葬京師蒙古也其人精術學言事多中一時有羊仙之目

將死謂僑輩曰我某日死可葬某地見有馬騎人者是吉時至期果有健兒負騎過遂葬之土人至

今道其事訪其姓名曰保額爾克

將軍坊 一德將軍牌坊舊在城南三里許地藏廟大路清同治癸酉改建 一依將軍牌坊在土城

內南十字街光緒十五年建今折

賢孝牌 滿洲漢軍及營站婦女節者有請旌例今齊齊哈爾城中節婦坊數座惟磚城北梁氏一坊觀為之規模較大俗有賢孝牌之號梁氏漢軍監生崔珮室

塔將軍馬場 將軍塔爾岱有戰馬驍黃色槍痕周身雄傑如常惟駭驤絕倫將軍外他人不能乘也雍正十一年凱旋時上特召見賞給黃紉籠頭領下賜帶銀牌至賜官馬場一處場在今戚家店南雙崗子屯湖松爾河左岸子孫世守食租於此人稱塔將軍馬場云

案此馬久從行陣無一蹶之失勅賜鄂勒哲依圖阿爾薩郎名號鄂勒哲依圖勞語有壽也阿爾薩郎清語獅子也

梅楞屯 齊齊哈爾城西南三十里有梅楞屯原為蒙古官名蓋卜魁本北郭爾羅斯蒙旗地故梅楞屯為蒙古語不知創自何人今無蒙古官惟屯官陶定成為漢軍梁姓與滿洲各家雜居屯內四圍古木蕭森榆柳茂蔭亦無懷為天之遺也

尼堪外蘭政墟 梅楞屯有古城曰鄂勒歡為尼堪外蘭所築清太祖用兵自尼堪外蘭始漢族文人之禍亦自尼堪外蘭始考清語尼堪即漢字之切音外蘭二字譯為文字之官今通稱筆帖式為外郎音與外蘭近清太祖起兵在奉天之興京尼堪外蘭與之遠處雖屢敗屢退沿松花江嫩江屯堡

土城多其所築惜姓名不傳

西站 磚之西舊有卜魁站更有茂興站為南行大道墨爾根站為北行大道故統名西站站丁多雲
貴人清兵敗吳三桂所俘男女發遣極邊由山海關內外各站勻撥來江充郵卒嘗苦差世為站丁
不與滿蒙貴族通婚姻服農力作每站皆墾有閒荒足以自給惟旗員往來供給車馬皆不取資而
遞送公文則晝夜星馳每人日行數百里戍邊之苦習與性成庚子以後始與旗民齒今則共和
等已開放為民籍矣

虎谿 陳國瑞湖北人官至提督饒勇善戰人稱為大帥而不名光緒二年戍黑龍江初寓城隍廟繼
徙省南百達街已而復居省垣西門外慈悲庵所至必置館垣好陳列四壁懸名人畫帖書茶品酒
居然處士之風其軒曰卧虎居善懸筆作虎字得者拱璧珍之不啻也暇則釣於西泡子名其釣
處曰虎谿又自號曰虎谿釣客絕清癯目光閃閃若明星性情和易見者不知其為百戰健兒也後有
詔釋歸而國瑞已卒

案陳大帥以勇聞於時惜性情暴戾雄才不羈當道惡其桀驁也而貶之老將風塵面目頓改百
鍊鋼化為纒指柔意者天固挫而伸之矣不謂一付銅筋鐵骨卒埋沒黃沙白草間猛士朝逝詔
書夕至蒼蒼者有意耶抑無意耶

呂氏故宅 前明遺老呂晚村清雍正時弟子曾靜上書將軍岳鍾祺勸以舉兵被執清世宗著大義
覺錄錄駁呂氏知新錄其家遂得罪竄塞外二百年來呂氏族日繁以詩書世其家子孫多循謹主
故宅在城西榜其門曰姜水宗風亦海濱避居之意也

詩社 河南優貢山西榮河縣知縣王性存清光緒四年以罪戍齊齊哈爾大吏重其學延主經義書
屋工詩書畫嘗結梅花菊花兩詩社以觴詠自娛顏所居曰寒翠堂有寒翠堂植物十二詠遺稿尚
存後救歸

經義書屋 經義書屋創自海昌海昌姓馬氏齊齊哈爾漢旗人官水師營總管蓋黑龍江為右武之
邦前清建國二百年通曉漢文字者寥寥無其人光緒七年海昌請於將軍撥款六千金建文藝經義
說約仿蒙四官學延成人有文學者主之自是塞外始有結誦聲

放鶴園 遼東鶴本方物或得其二獻之將軍斌靜置園中飼以料修頸高趾殊自得每雨過軒榭有
節或咏薪木擲空作添籌戲丹頂日鮮蓋鶴性喜疏放非可剪翎而籠畜也因名曰放鶴園並徵集
文人詩歌紀其事時嘉慶十五年七月

龍坑 齊齊哈爾東南十餘里一坑積雨成池忽有龍見旋得白骨識以為龍蛻因名龍坑附近一林
較城北崔家墳尤深密為副都統瑚爾濟墓所事見黑龍江外記

鱣廠 清嘉慶間齊齊哈爾城東有鱣廠流人相聚煎曬通行吉林今遺跡猶存

二〇

（附）東湖別墅龍沙公園

齊齊哈爾城向無名勝可言自東湖別墅龍沙公園創建後絕徼荒城春秋佳日始有遊觀之娛
前撫周天門東湖別墅詩序覽廳秘書高觀曾龍沙公園記敘事較詳因並錄之

寄題黑龍江東湖別墅詩

並序

天門周樹模草

出龍江東門里許有水泊一周廣十數頃北直大道亘以長橋迤南與農墾校接東連中學堂原野
平廣水木明秀實為邊城佳勝辛亥秋初遊此徘徊竟日有樂邱餞稍置亭榭用發幽濟屬王晦如
太守董其事度地繪圖經始有日矣會南中事起予旋亦引疾去遂爾輟工今年夏涂子厚學使周
斗欽檢長慶續為之工竣子厚書批予並附圖五曰續幽移曰瓊花吟舫曰春及亭曰懷新亭皆擊
中所有其湖心一亭則留俟予題名以作紀念因為署曰澄觀並各為詩綴諸圖未遑寄子厚亦洪
澳有斐不暖意也時壬子仲冬

邊塵苦汚人出郭得清此好事癖林泉結構煩君子邱壑愛想存樓臺隨地起出塞古多悲臨流
差足喜手杯屬鷗鷺旅中人萬里一墅豈得專狂態常在耳浙川日夜東相與觀止水

續幽移

昔人圖幽風瑣細盡民事精妙豈在圖在職艱難意面茲數堵望欲起鞭牛背

薜花吟舫

日為薜花遊更賦薜花詩吟賞闕秘計備儀和者誰羣公當方略起草今其時

自汴夢浮筆談瓦橋關北與漢都並關河之阻何承矩守關始議因波澤瀦水為羨欲自相視
恐其謀洩日會僚佐泛船置酒賞薜花作薜花遊數十篇傳至京師人莫喻其意

春及亭

方春凍不解維夏始催耕惜此逝駒景起為此犢行意間持盃酒祝爾望長盈

懷新亭

北徼號農園豆麥天下無多魚更宜牧隨時得所須循隴看包穎荷鍤真吾徒

澄觀亭

擾擾此朝暮何緣見本心一泓明鏡開鑿我肝鬲深收視而屏息為鼓空山琴

龍沙公園記

江西高繼祥

黑水之陽腦漫之湄有布柘城焉程將軍雪樓督江時以邊塞無佳境乃將城西倉基闢為公園
雜草為臺鑿地其下橫卧長橋洞湖九曲適於垂釣北岸設破屋一間不蔽風雨西列白石只案

第夫席地偶一寄傲儼如作方外游遊東六河通道達於園表曰衆妙之門其南豎亭八角有欄可
 憑有席可坐徐相國菊人使節東臨題曰龍沙萬里亭亭南建大廳雕梁畫棟備極顯敞欄杆繞廊
 琉璃為甃陳設器具均鮮明燦爛可以開瓊筵酌美酒故雪節自題其額曰冲氣穆清廳北受屋兩
 楹為軍政俱樂部之部一切布置悉聽是焉屋外藩以雕欄數鮮花芝草數十本名曰幽香圃廳東南設
 酒肆構球房立歌臺架度女樂棚俾雅俗得以共賞廳前清水一泓由佛頂噴出別饒風致其西聳
 立如塔者幾器井也伏舍如隱者藏花塢也或以玻璃納陽日温以爐火虞祁寒南面楠木為社布
 其幕為游人茗戰所其西南有草廬立樹為柱不加斲澁茅為蓋不加剪中置石檯一石鼓四老樹
 翁翳於上稚花環抱於下雖赤日行天坐隱其間不知有酷熱事園四築土垣種花數畝植榆百株
 徧設木榻十餘座每當盛夏奇花怒放落英繽紛遊客騷人多徂暑其間亦納涼佳境也顧知者樂
 水池雖鑿而恆涸園外數百步有嫩江周中丞少樸撫江時思泛舟江湖不可得遂因東湖構為別
 墅湖小水必欲於公園土墙外鑿溝引入江水架橋其上以謀臨流之勝江低水不入旋於橋西數
 十武擅膏土為山加樓其巔登樓西望野曠江清（周中丞題扁）因名曰望江樓張殿撰李端主
 江省學政題其南曰澄江閣此皆前清光緒丁未張子北樞奉命建造者也年湮日遠兵燹迭遭亭
 榭歛仄池臺欲塌匾額剝墮殆盡人之游是園者感有今昔之感焉歲丙辰楊公季高司龍沙政

越明年四境已安百廢俱舉乃召都料匠將舊有公廩擴而修葺之去土垣以廣範圍加木柵以示
限制深其溝俾可納江水溝南挖地為池通於觀魚沿東陸處結屋狹而長有如煙艇秋水漲時電
光雲影與沙鷗野鷺相掩映故名曰對鷗舫東南隅特起層樓登樓東望閩闔遍地而邊氛未靖故
名之曰善邊樓樓北疊石為學宮橋翼以木蘭橋北為愛吾廬西望瑩然屹立者為先烈祠白屋巍
巋圍垣作砲彈形過者皆肅然起敬西南隅為動物園園旁露布為游藝場稍北曰偃武樹是軍警
休息之處北臨牆溫橋結屋數楹飾以深碧曰林泉樂境啓其四牖最宜避暑迤西平崗如帶崗上
建彈歌甬中畫絲竹外蓋花草悅耳娛目至者陶然又西石梁石橋狼藉於野小憩其間聽流水潺潺
心為之心橋北岸疊磚為醉翁居與東岸枕流精舍相對時宜息影直賦詩其北構木為觀歌軒軍
聲浩浩國風泱泱信足破羌笛胡加之憂鬱也建遊藝事復將固有亭閣小者擴而充之斜者糾而
正之矮者增其高汚者聖以白花木鳥獸各得其所樹鐵門於東南榜其額曰龍沙公園左右翼以
板屋數十間俾商賈得而雲集全國風致煥然一新又慮游斯園者睹樓臺廬舍莫可得而名乃囑
梓童加點綴名其廳曰後樂廳名其堂曰超然臺其閣為逍遙世廬額其茶社為吟香仙館名其廬
曰乾坤一草廬工既竣囑余紀其實余前官龍沙雅無游興顧一涉足是園復見夫來者熙熙往者
攘攘亦不禁怡然自適乃知范文正後天下之樂而樂揚公有焉爰為之記時民國六年夏五也

徐邦彥著 蕭慶君氏編輯

人物

達克薩哈

姓賽密勒世居黑龍江管祖世營於清太祖時來歸隸滿洲鑲白旗達克薩哈初以護軍

校從軍攻明錦州軍遂有功擢前鋒侍衛順六年睿親王多爾袞討叛鎮姜瓖以紅衣破攻渾源州

達克薩哈乘城詔處先登克之十五年從信郡王多尼出師貴州明桂王宋由榔使其將李定國白

文選祁三省費名望等分據要隘清軍至永寧州祁三省率眾萬餘自鷄公背迎戰敗績達克薩哈

率本旗前鋒乘勝追擊至畢節縣營水河橋斬級甚眾復收白文選軍於七星關十六年清師克雲

南城桂王遁永昌清分軍追擊達克薩哈先驅至普棚控桂王軍生擒十一人王龍關之戰白文選

濱走李定國設伏磨盤山自後來襲追軍力戰敗之適前鋒統領白爾赫圖以師來會破李定國木

柵擒斬費名望捷聞賚白金表馬十八年從將軍慶星阿追桂王至緬甸緬人執桂王以獻師旋叙

功予騎都尉世職康熙十年授護軍參領旋調前鋒參領十三年信郡王鄂扎征察哈爾布爾尼師

至達祿布爾尼伏兵二百突從山谷間鼓謀出一軍皆驚達克薩哈躍馬橫矛叱咤向前鬪怒如戟

指呼聲若霹靂嗚賊不戰而走旋又整隊三千來迎戰達克薩哈親督八旗前鋒敗其中隊布爾尼

復收合濱江嶺山岡列火器以拒相持兩晝夜賊勢不支遁去論功晉世職三等輕車都尉二十年擢鑲白旗蒙古副都統二十二年調本旗滿洲副都統尋以年老致仕二十四年卒賜祭如典禮子達賴襲職

塔爾岱 黑龍江省齊齊哈爾城鑲藍旗格勒布慎佐領下滿洲瓜爾佳氏清康熙五十二年選薩音哈哈由領催委筆帖式從征阿勒泰路疊著戰功歷由前鋒章京防禦游擢佐領副管雍正五年二月補布特哈滿洲總管十月放副都統仍管總管事務七年出兵阿勒泰路九年授參贊內大臣十年九月加定邊右副將軍簡放黑龍江將軍統轄東三省官兵十二年正月兼管帶滿洲蒙古軍給雲騎尉世職十三年因病乞休仍食將軍俸後召見留京屢有賞賚卒諡勇壯

聞將軍冬日隨駕遊南苑時寒甚上換玄狐小帽即以御用羔貂小帽賜將軍將軍跪請已帽庶賜何上曰賜爾大人戴用故其子孫所遺將軍行樂圖大婦皆頭品頂戴花翎大帽堂堂而坐至今傳為美談乾隆六年上出口行圍時將軍養年松第馳往扈駕上嘉悅賜詩其藝文

附滿洲氏族考

案滿洲八旗氏族共有著姓二百九十餘而以八大姓為首其屬精均列正白等上三旗其世系半出自吉林白瓜爾佳氏鈕祜祿氏舒穆祿氏那拉氏棟鄂氏輝發氏馬佳伊爾根覺羅氏以上

一八氏尚主選妃不外乎此

瓜爾佳氏 費音東之後與鈕祜祿同為滿洲舊族今政體改革滿人悉冠漢姓以切音改為關

姓

鈕祜祿氏 額亦都之後

舒穆祿氏 揚古利之後

那拉氏 扈倫葉赫部之後今吉林伊通州南實為清廷之世仇明萬曆時葉赫部倚明為重抵

抗滿洲明發兵二十萬四路攻清卒至敗績故累世夙讎惟該部稱首

棟鄂氏 世稱順治帝祝髮於五台之清涼山原因於一女即棟鄂后是也舊部為今奉天寬甸

縣

輝發氏 扈倫輝發部之後今奉天輝南縣西北

馬佳氏 圖海之後

伊爾根覺羅氏 費揚古之後此姓乃另一部族與紅帶子之覺羅各別如蘇蘇覺羅西林覺羅

皆非清廷之同部但有扈爾漢一部從其父扈喇虎率屬來歸本姓佟氏賜姓覺羅亦不准

用紅帶

滿清之興自清太宗四貝勒始四貝勒之支派稱宗室用黃帶其同部子孫概稱覺羅用紅帶滿洲文字為達海所造滿人稱為聖人其支下子孫定例不挑秀女特用紫帶

八旗氏族著姓除八氏外則稱為布姓有精吉氏薩爾都富察完顏等三百四十餘姓又滿洲旗內之蒙古姓氏有博爾濟吉特等二百三十餘姓滿洲旗內之高麗姓有金韓李朴等四十三姓滿洲旗內之漢軍有張李高雷一百六十餘姓凡屬滿蒙八旗內俱稱名而不舉姓以其名之第一字相稱如姓氏然其名漢祇用一字不用三字恐與漢語相混若四五字者則滿語也今滿漢大同旗人冠漢姓者甚多如漢軍等本係漢姓無所變更若旗姓則大抵以切音而成多不准又陶宗儀輟耕錄金氏族多係漢姓江省滿旗其漢姓之沿稱互有異同略如下 札庫塔氏包姓 舒穆魯氏方姓 尼馬察氏尼瑪奇氏俱揚姓 瓜爾佳氏常姓 烏扎庫氏阿姓 格哲勒氏葛姓 烏扎喇氏吳姓 鈕祜祿氏郎姓 扎拉爾氏白姓 木克得立氏富姓 莫哲勒氏孟姓 卦勒察氏闕姓 塔塔喇氏唐姓 富察氏馬姓 西得胡立氏邵姓 希卜魯氏趙姓 錫克特里氏西姓 烏色里氏訥姓 伊爾根覺羅氏公姓 希卜魯氏為黑龍江省土著伊爾根譯言民也謂平民之姓覺羅者

阿爾賽 戶部尚書兼都察院右都御史加一級記錄二十八次阿爾賽黑龍江正黃旗漢軍崔氏八

十一佐領下清康熙五十八年十月六日由水師紀六品官署卜剌城本旗佐領雍正二年八月二十二日引見留京差遣三年三月補授本旗佐領八月晉參領四年四月二十四日授廣東雷州副將五年二月二十一日補福州副都統六年十二月二十日授福州將軍七年五月六日署理福建總督印務兼管陸路提督事務賞副嚴明歷任多政聲後為宗丁所戕卒於京邸

案旗人有住京之例相傳公以水師營六品官為黑龍江將軍某辦棺木誤進廖樞不自安遂去京師受清世宗知累擢將軍總督內用戶部尚書蓋以住京起傢云

海蘭察 呼倫貝爾索倫也微時為流人朱姓御貨車往來奉天吉林為朱所重清乾隆二十年由馬兵從征準噶爾以生擒巴雅爾擢侍衛嗣平定金川臺灣受知大將軍阿文成公以參贊都統游封侯爵復晉一等超勇公賞紅寶石頂四圍龍褂乾隆五十七年征廓爾喀凱旋卒於京討前後列入憲光圖御賜功臣像贊凡四次

贊見藝文 謚武壯入祀昭忠祠

公面黑如鐵膂力過人善射圍場兩虎出囊三矢發二矢殪之天下傳其勇多謀寡言矣不妄交生平惟服事阿文成公樂為驅使嘗曰今世知兵者惟阿公且餘輩皆懦夫登壇秉鉞必殲屏某安能為之送死征藏至吉龍兩山夾深澗岸前難行駕橋則賊來爭將軍憂之公請曰易橋也予某五百人八日糧無問所住屆時必有以報命如其言八日後駕橋賊爭加攻皆曰海公言也

而山上火發賊驚望見公已在巖頭端坐矣軍既渡合力殲賊將軍問故公曰澗水非江河發源必近吾繞越上流出賊後領八日程及期駕橋賊空營求爭吾乘虛襲之耳公不知書而出奇勝皆以意所為多類此謀能斷勇能決每謂兵貴神速思慮過度者婦人之勇征臺灣三日破鹿耳港臺人出不意以為飛將軍自天下驚竄相踐踏如風捲敗種指揮告定紫光閣御製功臣像贊序謂靈事有天助蓋嘉其速也每戰恒敵衣騁馬繞賊後同陷而進或以數十數騎衝賊軍左右射使陣亂而後擊之無不勝枕弓以聽能測賊馬多寡馬失嗅之知敵遠近宗室昭輝稱為天授之資信然

德英阿 黑龍江城鑲藍旗滿洲人清乾隆五十八年由領催委差帖式承襲世管佐領出木蘭圍三次嘉慶二年從公爵會編征川陝有功賞戴花翎五年斬賊酋雷四方於新甸受巴圖魯勇號六年補協領十五年授阿勒楚克副都統調吉林寧古塔十八年剿匪河南轉戰燕魯間屢破賊塞克復華陰惠縣各城十九年授寧夏將軍調四川成都將軍轉烏魯木齊都統道光二年調黑龍江將軍四年復調四川成都及伊犁將軍九年卒於伊犁任次加太子太保銜入祀惠遠昭忠祠

富勒洪額 齊齊哈爾鑲白旗滿洲托霍羅氏頭伍下清嘉慶二十一年八月以筆帖式補驍騎校道光三年補防禦五年晉佐領八年升正紅旗協領十六年十一月授伯都訥副都統翌年二月十七日

抵任二十三年滿成都副都統二十九年十一月因疾乞休回籍咸豐十年五世旌門加頭品頂戴
賜頭二品廕生各一員壽八十四歲

生平學習隨團一次出師三次歷在滑縣陝西甘肅楊鳴爾巴特沙卜都爾阿瓦巴特喀什噶爾等
處經三十七戰殺賊四十六名生擒二十七陝屬黃關嶺剿滅兵抓股匪案賞戴藍翎喀什噶
爾擒獲賊首瑪依張格爾案交軍機處記名嗣管帶黑龍江軍歷駐山海關天津海口各處道光
二十九年時年六十三因病乞休仍賞給副都統俸

阿滿泰 滿洲正白旗瓜勒佳氏黑龍江達呼爾披甲乾隆二十四年閏六月派赴西路軍營攻哈什

哈爾城七月由阿拉楚爾邊巴達克山擊賊西霍卓占等二十四年住京選護軍尋補粘竿拜唐阿

三十七年賞戴花翎三十八年授監領侍衛從征金川攻當噶爾拉山梁及第五碉皆克之三十九年

二月賊出庚額特山峽來犯阿滿泰偕參領巴克坦布先據險要槍矢齊發賊大創始退七月冒雨

進攻達爾圖山梁取其礮四十年二月副將軍明亮令阿滿泰偕侍衛阿蘭保等進攻科拉木達冒

鎗石先士卒奮勇仰攻直撲至礮前攀開鹿角拋擲火彈賊捨死抗拒正相持間突有賊一股自西

南下壓急分軍迎擊賊竄入深林繞出科布曲之上合力死守經月未下時清廷以科拉木達難殲

賊多名究未得有寸進進攻無益有旨令移軍宜喜四月攻加素得楞等山及備集寨以捷聞擢三

侍衛賜扎怒思巴圖魯勇號十月奪扎烏古山梁十二月攻加雜肚絨布巴魯據諸處得頭等功牌
四十四年二月金川平凱旋繪像紫光閣備臣製贊四十二年十二月擢副護軍參領四十七年
授護軍參領四十九年五月勒石峰堡回匪殺其剽加副都統銜八月授頭等侍衛五十六年征廓
爾喀旋於五十七年五月攻標木從海蘭察隊連破重碉獲匪無算掃蕩濟隴諸寨直抵熱索橋賊
毀橋不得過乃同哲森堡等東踰峨綠山繞越上流還破橋卡全軍盡渡論功授鑲紅旗蒙古副都
統六月從海蘭察攻克協布魯抵博爾東拉下類賊卡據屋嶺之勢矢無虛發賊大敗七月由噶勒
拉乘勝踰堆補木至帕朗古北岸擬奪橋而渡奮勇猛進吼聲若雷賊大披靡紛紛作鳥獸竄其南
岸賊勢頗厚槍比如林且戰且撤其橋已而賊少却向滿泰軍隊先登竟如屯備色丹巴昏中槍落
水死軍隊一擁遂過河流深急撈尸不獲事聞賜卹銀九百兩葬祭皆如例廓爾喀降繪像紫光閣
賜騎都尉世職

莽喀察 滿洲鑲白旗索倫人姓納喀塔由馬甲從征準噶爾授藍翎侍衛乾隆二十三年正月隨領
隊大臣努三等領賊哈薩克錫喇擒其黨摩羅達什扎卜等於拜塔克授三等侍衛十月從將軍兆
惠剿回酋霍集占於葉爾羌二十四年二月授二等侍衛閏六月參贊大臣明瑞追霍集占於霍斯
庫魯克時賊六千餘據大嶺為首嶠之固清兵先至者僅九百莫敢樓莽喀察與先衛鋒陷陣

屢戰三小時賊潰斬級五百餘捷聞擢頭等侍衛賜丹巴巴圖魯勇號二十五年在乾清門行走西域既定繪像紫光閣儒臣製贊二十七年叙功授騎都尉晉寧騎尉世職三十三年擢御前侍衛三十六年九月從將軍溫福赴金川軍營授領隊大臣十二月由向陽坪進剿連奪賊碉及木卡六處左肘被創回臥龍關就醫未幾奉詔晉京授蒙古副都統三十七年二月以創卒照陣亡例議卹賜祭葬入祀昭忠祠金川平後圖形紫光閣上親製寶子綽爾岱襲二等輕車都尉世職

富明阿 字治安黑龍江城正白旗漢軍人道光六年以披甲從征喀什噶爾補筆帖式歷充屯官驍騎校及佐領咸豐二年以河南江南各省軍功授富古塔副都統補辦和春軍務十年因傷病乞休旋召見派總理神機營操兵南苑授都統赴揚州幫辦軍務遷荆州將軍督師轉戰屯荆渚走臨淮克白文復蒙城江甯肅清叙騎都尉世職賞穿黃馬褂署江甯將軍兼漕運總督同治六年傷病復發回京就醫途次賞乘肩輿未幾開缺回旗仍食將軍俸七年吉林馬賊猖獗待援孔亟奉詔往剿復授將軍缺賊既殲經營善後造砲築城疊四境謳歌至今維林故老猶稱其功不衰惟身經三百餘戰創傷遍體旋因病歿回籍九年冬卒於家御賜祭文碑文諡威勳生平戰績付史館立功之揚州府城及原籍專建祠

案揚城有江甯將軍富明阿去思碑為府紳董官庶撰文曰蓋聞燕然勒石摩崖書間世之勳靈

整頓碑平淮建非常之績良以豐功偉烈震鐸古今允宜擒澤揚華昭垂竹帛如江甯將軍治安
富公其功德之及人者深有可紀其大略者焉公以龍城世胄約略傳宗戎衛先昭忠誦翼虎經
綸在抱衆倚長城兵甲羅胸群推小范乃自與氛不靖於咸豐癸丑暮春之初擾及維揚其時我
公以佐領從戎軍嚴紀律連七擒七縱之智奏十盪十決之勳有敵皆摧無功不克齶膺上賞擢
任督帥掃狂寇於燕城手迴鯨浪搗孤軍於六合身受鱗傷撫茲蹂躪之區變戍安全之局乃以
金創致疾續羸難留老臣乞病以歸田天子宣綸而予告諸父老攀轅流涕望節鉞之南來眾將
士負弩爭驅送旌麾之北指華堂綠野裴度高風霖雨東山謝安重望嗣以樞嚴禁旅營立神機
因而徵到蒲輪位崇都護練兵經於神紀策有全圖法陣勢於勾陳真無遺策祇以白門蟻穴久
未蕩平遂令邦上犀軍重勞統馭重軺乍蒞懸布頻傳裕餉持籌稅徵隨處分財濟困澤徧敷鴻
斯固德洽星敷而歡呼雷動者也洎乎苗頑逆命端負原城甲洗與師兵臨皖水恭伸天討丕振
軍威五十日元惡就誅數千寇望風輸款奏聞八克喜溢九重迨至回駐揚防進攻決策雲陽建
四旬之績劫洗紅羊金陵成六月之功遂消青犢黃衣染貂裘謀貽聖電轟雷全資將略文通
武達兼紹漕符異數渥邀天功迅奏今則祥開玉鏡凱奏金鏡瑞婦謳吟閭闔拜舞其等涵濡厚
澤滄溟膚功十三年轉徙流離備嘗艱苦僊焉言詠仁蹈德莫罄形容祝八柱之允升頌三分之

特普出水火登杜厲敢遂忘不朽之功被金石而歌管絃聊以伸去思之意

三四

色爾固善 齊齊哈爾城鑲白旗滿洲托羅羅氏道光二十六年由前鋒委筆帖式補騎騎校旋以防

禦記名咸豐三年於軍縱橫東南半壁以委參領帶馬隊進剿所向皆捷補佐領賞戴花翎轉戰河

南江南各省督軍大臣向榮和春張國樞等均倚之如左右手援鎮江捷聞賜烏勒吉泰巴圖魯

勇號七年克深水白峇以協領補用八年收復鎮江府斬馘逾萬加副都統銜九年定揚州儀徵

縣補協領十年五月於軍 數萬自黑山寨撲嶧縣忽分數百騎擁登丁廟關口搶渡公率馬隊

截藏之復敗敵於良王城進援安徽加頭品頂戴補福州副都統同治元年擒劉平於穆涼廟覆其

軍二年六月劉復培踞滿川與雲南提督傅振邦合師殲之餘孽悉平三年幫辦河南軍務馬山口

之捷以賞擊撥軍聲益振授舊古塔副都統五年四月調盛京七月剿匪大孤山擒其酋徐禮六月

調察哈爾都統六年四月馬賊振江東嘯聚千人蹂躪開原李涼合猴兒廟一帶奉調馳至賊駭走

擒斬百餘吐噤告靖五月仍回察哈爾原任十月卒於官墓在齊齊哈爾城東北臥諾克圖屯距城

四十五里

生平戰績歷在直隸山東山西河南江南安徽湖北陝西十餘省經百八十戰克復十餘城身受

要傷七處剝城之役短兵相接一賊乘不備突以刀劈面傷頂及颞幾不起時親王僧格林沁攻

名號二年九月三日晉頭等侍衛十二月五日統帶吉林黑龍江馬隊馳赴河南駐紮三年二月浦

口剿匪案加副都統銜四年正月江寧剿匪案放正白旗漢軍副都統三月瓜州剿匪案晉御前侍

衛六年三月河北剿匪案派欽差大臣督辦軍務七年正月克揚州復浦口援柳河救丹陽守蘇昌壽

定遠護輿懷赴清江瓦子口等處剿匪案簡放正白旗蒙古都統三月在雲胡河以船隻板片礮

台五進剿瓜州賊巢水陸並進至十一月十二日克之平定瓜州授騎都尉世職賞戴雙眼花翎十

二月移揚州大營於浦口八年三月復江寧四月擒吳江匪首毀其巢五月賊聚八萬突由安徽竄

江北率全軍擊退之七月賊未得逞仍未得逞八月賊哨聚二十餘萬方路避窺卒以眾寡不敵浦

口遂臨九月一日奉旨德興阿督兵兩載並無錯失此次失機究屬調度非方着革職留任拔去雙

眼花翎三日就乘勢撲揚州官兵不能守十日奉上諭削騎都尉世職十五日督軍力戰克揚州十

七日復獲正節次進攻圍流河賊營久不下九年二月五日撤任回京馬步軍萬六千人交新任欽差

大臣和春接管七月一日賞給六品頂戴馳赴天津幫辦價格林沁軍務十一年二月七日換三品

頂戴署密雲副都統同治元年二月署正白旗漢軍副都統七月簡放西安右翼副都統八月辦理

陝西防軍事務二年二月駐通渭為多隆阿後隊截剿半匪七月馳回西安駐守鳳尾十月十九日

署理西安將軍印務六年五月五日子時因病出缺時年五十一

金源樓三月未下公聞而大憤寒劍竟往三日克之待士卒以恩而操守最嚴歿之日室如懸磬
柩不能歸副都統杜噶爾入告朝廷賜銀治喪績付史館立傳諡威勤

富隆額 齊齊哈爾正白旗本佐領下庫雅拉薩克達姓清道光四年以西丹承襲世管佐領兼三等
輕都尉二十七年十月補放齊齊哈爾城協領咸豐三年因考驗軍政引見交軍機處記名五年十
二月二十二日簡放伯都訥副都統

烏力布 齊齊哈爾正白旗迎福佐領下滿洲瓜爾佳姓清道光二十六年十月由驍騎校委防禦咸
豐二年九月授佐領三年三岔河戰功賞戴花翎九年十月十六日補黑龍江城正紅旗協領同治
元年八月十日調齊齊哈爾正白旗協領四年五月二十九日赴布特哈滿洲總管任五年六月十
九日簡放伯都訥副都統因剿滅股匪晉額騰濟巴圖魯員號

自道光十年調赴安吉彥兵至同治五年十一月統帶吉江馬步官兵剿匪出力交部議叙三等
功止歷在江蘇安徽湖北江寧奉天吉林各省揚安慶奇瑞浦口仙人洞關原大橋等處經六百
三十戰殺賊一百二十九名生擒五十夏口之役額受槍子要傷一處

德興阿 齊齊哈爾正藍旗增威佐領下達呼爾瓦爾姓清道光二十六年選三首哈哈由前鋒授
藍翎侍衛二十八年晉二等侍衛賞穿黃馬褂咸豐元年三月十六日以騎射精強給十五善射

自咸豐三年二月訖同治六年四月歷在河南安徽江寧江北天津陝西各省統軍十五年接戰三百五十次殺賊二百三十餘生擒一百一十名子福屢候補協領福亮候選知府孫富順六品廕生

吉爾洪額 齊齊哈爾正白旗玉麟佐領下清道光三十年入伍咸豐三年十二月從軍直隸解後因功給八品頂戴四年舒城之役換六品藍翎八年補授騎校同治二年補防禦四年放佐領十一月委統領黃旗馬隊五年剿匪定陶賞換花翎六年擢於軍任獨索賜瑚松額巴圖魯勇號九年補協領並統領黑龍江四起馬隊駐防古北口旋調赴烏里雅蘇台十年勦滅喀爾喀部回匪加頭品頂戴十一年十二月補授黑龍江副都統十二年七月委吉江六起馬隊翼長馳援烏魯木齊解其圍賞穿黃馬褂光緒元年兼統靖邊振武果勇馬步各軍四十餘營二年二月調補墨爾根副都統嗣因所部各軍不調屢奉重職遂以釋後經通州練軍善都統調通帶隊十一年五月給四等侍衛十二年以東三省練兵成效著二等侍衛十五年六月經黑龍江依將軍奏委總統馬步各軍翼長專司督剿呼蘭蘇林地方盜賊賞頭品頂戴以副都統補用十六年三月二十五日卒於防次部議照頭二品大員例賜卹子以六品廕生引見

烏爾克布 齊齊哈爾城正白旗人滿洲瓜爾佳氏由前鋒本軍惟武道光二十四年五月補授騎校

二十六年五月補防禦咸豐六年七月五日放吉林佐領七年晉協領十年十一月二十二日簡放
墨爾根城副都統

道光十年調赴安吉彜兵一次咸豐三年由防禦委參領從軍河南轉戰安徽直隸陝西山東等
省接仗一百五十餘次四年五月三日山東勒匪案賞戴花翎

舒通額 齊齊哈爾鑲藍旗雙德佐領下改常德佐領下連呼爾額蘇里姓清咸豐四年七月由藍翎
領催放驍騎校五年八月授佐領十一年七月三日授協領同治元年十一月十七日簡放阿拉楚

喀副都統

咸豐二年從征河南三年揚州三岔河戰功賞戴藍翎四年八月換花翎八年二月安徽西建橋
之役賜圖薩泰巴圖魯勇號九年得三等五等功牌各一十一年九月江南五州勒匪案換頭品
頂戴賞穿黃馬褂又左膝蓋右膀右股各受槍子透傷一處歷在江蘇直隸天津山東江南安徽
各省經戰二百二次殺賊一百一十二名生擒六十一

溫德勒克西 齊齊哈爾城鑲紅旗德勒克呢瑪佐領下閑散補鑲藍旗巴彜珠爾克佐領下披甲咸

豐三年從軍河南旋赴山西直隸山東各處五年委驍騎校克復湖北德安府賞戴藍翎六年以麻

城新洲軍功換花翎七年賜綑武巴圖魯勇號湖北黃梅之戰小腹受槍子要傷論功委參領拔補

領催十年二月十日補齊齊哈爾城廂白旗協領同治元年九月四日授正黃旗副都統二年二月十日攻克陝西王閣村羌白鎮等處回匪老巢加都統銜四年四月僧親王在山東曹州遇害案革職留營六年十月二十三日擊斃捻軍任柱於贛榆開復副都統原官七年七月於軍張總愚兵敗投水直東境內肅清是案賞穿黃馬褂並給駙都尉世職

善慶 黑龍江城鑲黃旗漢軍人清咸豐三年由前鋒從軍河南克鳳陽敗捻軍李月於寺爾寨同治元年擊王宏田於靈璧擒之定遠平賜五代副都統封誥旋以創重乞假回籍二年調赴安徽軍營勦苗沛霖留豫旋滅齊王息兵訓練七年張總愚搶黃河渡進擾京畿奉諭赴援轉戰河南安徽江南湖北山東直隸等省擊敗張宗禹軍給二等輕軍都尉世職旋調京駐紮八年著生浦副都統十二年授杭州將軍調經遠將軍嗣丁母憂扶柩回里服闋歷任鑲白旗蒙古都統寧夏將軍及正紅漢軍都統後召見特派總統神機營兼巡捕拱衛百豫等營御前侍衛專揀值年御鳥槍處健銳營管新舊營房查城關兵備演放等大臣崇文門副監督紫禁城騎馬幫辦海軍光緒十三年復蒞將軍任於福州十四年卒於官生平戰績付史館原籍及立功省分建專祠御賜祭文碑碑見謚勤敏子伊立布給侍衛

御賜祭文云偉望聿昭奇闔重干城之選壯猷丕著書勳增鐘鼎之光謳思不絕於行間追念彌

殿於事後爾原任福州將軍善慶欽綱武昭然習武博學勤敏以忠廉存勳是尉以忠廉之說某
治奏收平燕熙既張鯨鯨蓋茲值禮成歸正與尚朝履意聞重念手珠動盪特頒手書敕慰
嘉慶帝用養極馨於戲劍戟衝鋒猶想目前平敵懷九室賜多最難忘大樹聲威惟靈靈感而共
克欽

多隆阿 齊齊哈爾城正白旗巴爾虎人清咸豐中從征川陝著戰功由騎尉世職游升副都統加
呼爾察巴圖魯勇號歷荊州西安等將軍任嗣特授欽差大臣督辦陝日軍務事節宣勳凡攻堅破
壘據險拔城多賴規畫公膽智由天授每臨陣必懸旗決戰料地成軍望雲氣晦明察山川險易量
敵慮勝操縱無不如意同治三年二月攻盤屋城督軍慶親登砲台指揮拒敵忽一彈飛來眼鏡
為穿雖受創甚重而首戰益勇軍氣益揚卒能克復盤屋一鼓再鼓茶棚就殲關內賊氛從此望風
而靡公竟以目傷不起越日殞於營次公嘗罰嚴明恩威皆德迄今川陝居民奉多公神牌猶如家
廟澤之人人深矣予之日奉勳昭太子太保世襲一等男爵諡忠勇立功省分建專祠生平戰績宣
付國史館立傳

案公由黑龍江馬隊從征楚皖游擢西安將軍身經數百戰料敵如神其功勳偉績至今尤在江
南廬桐之交推誠為益陳王成寶能釋移天下大局曾文正嘗稱其智勇兼備為中興名將第一

穆圖善 字春巖齊齊哈爾城鑲黃旗索倫人那克塔姓自清民豐三年至十一^四年出征兩江時忠勇

公多隆阿奉剿東南髮捻公實左右之歷在河南山東直隸湖北安徽江西等省身經數百戰論功
由委參領遞升佐領藍翎換花翎記名副都統加西林巴圖魯勇號同治紀元授西安左翼副都統
整旅援陝王閣村羌白鎮等處回逆巨巢皆匹馬直搗捷聞嘗穿黃馬褂不期年三輔大羊剪除殆
盡道捻軍又陷盩厔公却多忠勇督軍力攻三月城始下忠勇克重創不起具疏荐公自代署欽差
大臣關防幫辦陝甘軍務尋移荊川將軍調寧夏將軍督辦甘肅軍務同治四年四月抵任郡城被
陷初復哀鴻待哺公激厲將士就地籌款賑飢中衛寧羅等縣皆賴保全北則包頭磴口豫邊沿境居
民安堵人慶更生無何蘭城標兵饒謙調署陝甘總督軍騎馳往城中祇安亭三營分布險要此外
標無一兵倉無顆粒斗麥值三四十金或五六十金人將相食乃飛商買蘭山蒙古藩邸撥駝招販
月得糧可三四百石或七八百石輪迴平糶市價遞減民乃得食天亦旋雨流亡者始還定安集全
活生靈以數十萬計是秋八月十六日賊大股乘虛撲城公出戰身先衝敵軍威以振圍立解十月
克渭源七年二月復狄道州州居狄道進奪太子寺時前敵四十餘營資糧於敵已六閱月官糈不
繼馭諒防潰幾費經營續調吉江馬隊各五百名戰勝攻取事竟大是年冬返鞏蘭城百廢俱興
如修孔廟建河橋募制兵徵游勇築堡寨利轉運給牛種勸農桑施棉散粥賑貧凡所興作能

同治紀元提師入關嘗以親兵七十人解西南之圍以二千人破捻軍五六萬之眾伏尸四十里
深山巨壑竊不見底人馬層積填與路平驢剿回寇如摧枯拉朽其計畫常出人意料外而賊旃
陝西叛回將為之盡正欲移剽甘回道偵於軍藍大順田勳窺陝隘踞盤居城中藍僅數百人
脅從人數亦不甚多公引兵圍之大順百計守禦城小而固久不能拔時清廷既知大順兵寡又
以公用兵素稱神速訝其師久無功屢旨詰問公起自武員不耐挫折又自恥其困於小寇也同治
三年二月二十三日掘地道燃火藥庫轟開月城又餘公自率部將穆圖善姜玉順等驟入其城
不意城內尚有墜卡五道將士力攻不能破公在砲台親自擂鼓大順見其穿黃掛知為主帥以
鳥槍狙擊之頭眼受傷急創回營傳令諸將此城速克傷雖重可望痊如其不克傷輕亦不欲復
活諸將四面環攻次日三更克復縣城藍大順逃至溪陰為圍練截殺而公傷病益劇巡撫劉蓉
親往視之見公卧牀倚困憊殊甚相見雖目不能作一語遂以四月十五日薨於盤屋行營公生
平愛士卒如骨肉而威令嚴明凡所指揮雖赴湯火亦不敢避屢殲巨寇勳名滿海內而此次忽
為小敵所困殆有數歎方公受傷時上特頒發內府珍藥敷治並命黑龍江將軍傳其子雙全馳
驛往視而公本無家室孀全依戚族而居身無完衣將軍憐駭贈以行賞始得馳往已不及見矣
公遺疏云不便原有長物身有餘財均非虛語也

傳久遠故一時有文武幹濟之稱尤有異者每戰陣時以數百騎擊數十萬賊斬馘擒渠驍健如飛朝廷嘉其能謂善以偏師制勝邁濟倫諒哉光緒十二年特授欽差大臣辦理東三省練兵事宜翌年力疾閱操自奉天而吉林而黑龍江行抵烏拉街卒於途次奉上諭着賜將軍軍營病故例賜卹前雲騎尉世職着改為騎都尉世職賞銀千兩治喪生平戰績宣付國史館立傳准於立功省分並黑龍江地方建立專祠謚果勇

案甘肅皋蘭知縣容恬壽公文有曰一切奏牘務從樸實不鋪張不欺隱與本省大僚商榷密要
和衷共濟不存臆見於鄰省將軍督撫亦然文久無不喜其虛懷坦白馭羣吏彬彬有禮雖不輕
假辭色終不感氣凌人量材器使居然易事君子而欲干以私則不能屬下有過始數之而終於
之不徇情不遷怒嘗有獲重咎而其情可原其才可用者破格情起復即因成例受處分亦所弗
恤自公退食之餘休養以時早起視事畢則下園習射終年如一日居常飲食服物珍玩一無所
好即隨任子弟皆布衣蔬食不便知有居官之樂而於應用之義分則略不吝惜待西賓誠而敬
優而厚官裔孤子助其膏火供其飲食俾伴公子讀尤代訥粟備入闈舊友遠來兩餐與俱無厭
色無倦容負老就依體恤周至病則修醫藥效則不憚重賞身歸故里公鄉人來稱公事繼母先
意承志內外無間言處伯仲怡怡如也馳驅在外二十餘年夫人在家持內政不使納婢供服役

云云雖藉涉頌禱而公之性情與前輩古樸之風於茲可見

四四

同治九年三月三日甘人為公立德政碑有云公自咸豐三年出征兩江青豫及秦川之亂依次削平公之力實居多故六安有祿位牌之祀樓閣言之德賦望見公咸拜降於馬前非恩義交孚於人心安能若是入蘭伊始見戶口凋敝民不聊生即免是夏畝租尋以春耕不足散給牛具籽種而耕以勸是時黃河浮橋拆毀公念無以利行旅而民困無以通糧道而民益困於是議之同官不惜重資而修之至再便民行足民食也去歲冬請銀壹萬兩為當春播種之資今年春正月朔有五日夜至西古城防守略疏遂致失陷公親統雄師來援賊遂見驚懼遠颺是時公下馬坐城門外令民皆歸城自救室家餘人無得擅違故一時游勇士匪不敢乘機搶掠旋修城銀三百兩籽種銀二百七十七兩遣標兵協力防守火砲等器具備

巴楊阿 齊齊哈爾城正黃旗達呼爾人後移駐北京正黃旗滿洲明貴佐領下清咸豐三年直隸靜海之役督隊奮戰以功放副總管四年攻阜城縣獮兇頭賊疊槍傷左膀賞戴花翎五年補協領旋克復湖北德安府城加副都統銜六年克復武昌澤陽府城軍機處記名以副都統簡放賞戴頭品頂戴加依勒固爾巴圖魯勇號九年剿撫鄂匪前後約萬餘營來至薩民慶更生授鑲紅旗漢軍副都統已而因事召見去之日香火盈途父老攀轅呼號如嬰兒失慈母惟恐其不來也十年署理荊州

左翼副都統同治元年調補右翼副都統旋授荆州將軍六年晉京陛見著紫禁城騎馬光緒二年卒於將軍任次原由佐領委參領轉戰河南山東等省接仗六百餘次手刃悍賊四百名生擒六十服官四十年

成慶 齊齊哈爾漢軍王姓清同治十三年以火器營參領著呼蘭城守尉光緒元年五月吉林金匪孔廣才糾黨二百人渡松花江焚大小木蘭達二十二日陷巴彥蘇蘇燬同知協領著劫倉庫出獄囚巴彥武營軍械盡失次日涼西集廠西踰漂河進至沈家窩堡成慶聞警募兵得八十人益以站丁回民違犯合二百人率以東皆惟泣不敢前成慶勉以忠義復以軍法約束之氣始振二十四日遇賊於城西四十里之羅家窩堡眾七百人槍彈子藥備具車載藥筆五印封赫然助擄自己彥武營者也賊眾我寡相持數小時會賊藥車炸於大巨聲殿天幾賊六七十人成慶乘勢促之陣斬賊百數十名賊乃大奔奪回拾槍十一桿子母砲六尊鉛藥鐵車四輛騾馬十餘匹刀矛旗幟無算救出被脅旗民數百收復沈家窩堡次日連復西集廠巴彥蘇蘇二十六日追至黑山之陽迭有斬獲孔廣才率餘黨八十餘人遁入黑山旋由間道竄回江南事聞成慶賞副都統銜花翎成慶父某為齊齊哈爾佐領訓子巖巴彥蘇蘇既臨道書戒成慶當與呼蘭城共存亡呼蘭失非我子也成慶究能破賊克城克世其家聞者壯之光緒六年著呼蘭副都統官至瑋璋副都統

壽山 字眉峰黑龍江城正白旗漢軍人父富明阿吉林將軍公以大臣子襲騎都尉世職服闋召見

四六

授員外郎乃折節讀書欲以功業自奮光緒二十四除河南知府未赴任授黑龍江副都統奏陳開
放沿江上下及葱嶺各荒凡六事二十六年正月署黑龍江將軍通義和團憂延直東境以仇教驅
洋為名毀教堂圍攻北京駐使館廷議或之以各國兵輪逼我津沽也密電公分路攻俄時奉天副
都統晉昌復矯詔促進兵違則速問俄既奪我黑龍江北岸地數千里又築西伯利亞鐵道蜿蜒東
下直貢三省形勢便一旦有事進兵中國境內據高屋建瓴之勢固沛然莫之禦也公憤疆圉之
威削益以靈旨促戰急於星火乃飭西路統領保全以呼倫貝爾俄營北路翼長恒玉渡以攻布拉
郭拉威臣斯克東路翼長慶祺會秦軍攻哈爾濱俄租界三路之師既出未幾驚耗傳來相繼俱歟而
俄北路兵乘勝渡江陷我黑龍江黑爾根布特哈諸城進逼齊齊哈爾其西路兵壓庫庫爾村運河
距省垣僅百里公知事無可為又恥奪俄軍手重辱國乃屬副都統薩保守城以道員程德全為之
助自臥櫬中使衛兵手槍之從容就義慨慷捐驅遂以身殉嗚呼烈哉時光緒二十六年八月四日
也後數月旅人間闕赴奉天呈其遺疏盛京將軍增祺以聞疏曰（上略）外兵進逼省防僅數營
無軍械則戰難平原曠野面面受敵加以士氣沮喪羣情激散則守難東西北三面皆俄隊南路無
險可扼越境一步便非死所則退難奴才謹守重覆臣死之義奉命於斯惟事平之後伏求簡任英

殺嚴斷任勞任怨之大臣來鎮是邦必於崇實之於奉天錫安之於吉林而後內政孔修足禦外侮
省城暨呼蘭通肯兩副都統治城宜設民官呼蘭綏化兩廳員缺皆改歸外補旗地瘠地均應招民
墾荒至於調劑旗人之法宜各撥司旗隨缺地並酌留旗屯滋生地有隨缺地官軍均不患貧有墾
生地耕牧宜有所有託論者謂民墾有礙旗丁墾地不宜民官皆徂一偏之見不顧大局以全有七
城之大土地之沃如果得人而理不出十年可以自立即以此次軍事論備本省二十年以前已照
奉吉經營則沿邊有民就地有餉何至處處屠手一蹶不振此奴才備歷之艱苦久蓄之心願雖在
授命之際傍惶焉不能自默者也（下略）

附記

倫布春 副都統倫布春布特哈察倫也征川楚有功方賊被執頃爭欲一見倫大人見則言將帥
皆如公我輩何敢有今日土人戮公者亦補號勇精海公（海蘭察）而子正不阿過之情早亡
富永阿 齊齊哈爾滿洲旗後遷呼蘭清嘉慶間喀什噶爾之夜隸欽差額爾登保麾下積功存至藍
翎副都統銜老時署黑龍江城副都統統轄華夫入覲奏對稱旨賞花翎調奉天副都統未到
任卒著有黑龍江省官制十一卷黑龍江戰事四卷曾孫博尚通阿好學能世其家

穆克德布 漢軍周姓清咸豐三年以呼蘭甲兵從征隸將軍都統阿璉下轉戰湖北江甯曾與閩

存保協領加副都統銜都興阿調補威遠將軍乃改懇營將軍穆圖善攻賊狄道州出力給奇
車伯巴圖魯勳北路竄匪案以副都統記名十三年授荆州左翼副都統兩護將軍印光緒元
年奉命祭告南嶽恒山及神農黃帝陵十年之病歸在官捐俸賑饑為官紳倡多所救全歸里後
周恤親戚故舊鄉黨稱之

勒爾克善 索倫也呼蘭城守尉善騎射清咸豐三年應募入關討賊轉戰燕齊秦晉楚隴江南凡
九省積功保至佐領同治元年入武關賊以馬步萬人躡其後時官兵僅八百人前阻於隘統領
溫德勒克西撥死之下馬席地坐顧語從者名逃去勒爾克善獨不可請選精卒衝之大呼曰坐
以待斃孰若敢戰死躍馬臨陣矢無虛發溫德勒克西禪服從之卒潰圍出殺賊二千官軍傷亡
僅二八人同治五年丁父艱遂不出年未三十也忠勇公多隆阿傳書黑龍江將軍德英函稱其
才

托克托布 滿洲尼瑪察氏清咸豐二年以呼蘭披甲從征轉戰安徽河南境四年春扼賊於安徽之
馮官屯賊大至圍官軍數印托克托布率敢死士十餘人橫衝賊陣死焉妻弟勒耳裏彭歸歷保
花翎裝凌阿巴圖魯三品頂戴部議給雲騎尉世職

托克通阿 吉林雙城副都統銜總管格洪額巴圖魯清咸豐三年由協領從征江寧十年在江寧

安定門下陣後賜騎都尉世職

阿爾保 達呼爾也徵時以射名將軍博王素知之會選善射者隨駕木蘭不願行將軍則屬意焉及試五發故不中拂將筆意鞭三百強遣之至則留京師累官至鑲藍旗蒙古都統諱壯勇基在齊齊哈爾城西嘉慶九年賜葬有碑

由屯 布特哈索倫也生有胆力善強之大箭嘗射鹿洞胸矢橫雙樹間鹿奔而矢不折為佐領以事罷潛之木蘭即上駕前一發得虎清高宗壯之取視其矢談曰箭歇錘耳呂布善射未必能爾累擢至齊齊哈爾副都統

沙晉 鄰居黑龍江省之俄人每於小孩笑時必嚇曰沙晉來……沙晉來……小兒聞之即懼不敢啼沙晉者清初呼倫貝爾家倫也驍勇號無敵始為獵戶善射有穿楊技後由邊將其擢為百夫長命守邊僅統數十人執戈而噙按紀律必皆精悍善戰羅刹自北來越掠牛馬誤犯其帳時守兵皆出獵沙晉適外歸聞而大怒徒步追三十餘里擒其曹盡割其耳縱之去且囑之曰若輩今誤犯敢再來者曷自逐驅牛馬鳴以還自是羅刹畏之每呼其名以止此啼如古人呼麻胡云紐倫 協領紐倫小爾佳氏齊齊哈爾滿洲也素意習吏事所擬苟合例將軍駁之執犛首瞋目辨必待書諾然後已以是見忌思播之會有告紐受部下羊草千束者真偽莫察乃以贖貨處下

劫奪之戍伊罕初將軍幼紐已發擢事秘紐不知至是聞命即自去帽頂詣所司請速上刑具將

五〇

軍徵悔之傳令暫歸家與妻子別紐不願登車竟去後殺歸終於家

恭恭 佐領恭恭崔氏也管上站時往來自備粟脯不以擾站丁嘗夏月自魚雜幕府沿例徵馬革不奉令曰馬不死革安從來將殺馬以進革手抑城馬易革也其兄蒙寧固勸之卒快不如數後為黑龍江佐領自度不能容謝病歸鄉居二十年年七十有五卒官參領以五世同堂旌門如例

阿穆勒塔 摩凌阿鄂倫春民族也生而醜怪方口大耳濃眉約眼唇厚逾寸髮短而紅粉披肩際面黑如漆身雖中材而多力健步善走鄰有馬逸者步追之一手掣其尾馬不能前顧嗜酒飲輒醉醉則膂力陡增神臂矯健無敵禦者噴自而叱聲若霹靂鳴聞者辟易及醒則循循如儒生和易近人人以時多親之嘗指瓶謂其僮曰瓦器何知答如許忘憂物我輩斃解七尺軀腹空空無所有而衣而食而宮室戴蒼鷹黃徒為宇宙間靈曾阿陶物之不若甯不羞死超勇公海蘭察聞而異之致之門下寵禮有加感恩知已教子弟禮後征川楚以功授總管加副都統銜每憾其族之不知學也擬延漢族儒生多人送黑龍江設塾修課化獠狉而絃誦之未果而卒

崔珽 土人能詩者以崔珽為最者尚書阿爾賽子嘗捐州同刻有吟稿不傳

崔魏 字煥章尚書阿爾賽五世孫由筆帖式升站官有詩癖清新俊逸希蹤庾鮑著有樂志草堂
稿今不傳尤工丹青將軍寶善贈畫馬詩傳誦一時一日大醉為鄰舍李小梅畫馬鞍轡俱全神
采奕奕活躍上自以為生平得意之作本懸之空齋每逢月黑風高若有馬嘶聲自齋中出如是
三年崔忽病革召李來取畫焚之曰人間世無伯樂留將安用徒辱沒英駿耳喟然而逝

崔璠 乾嘉間鄉宦亦知習漢書然能執筆為文者絕少其能真禮文士以傳於者尤不易得惟崔
布衣璠不惜重貲購書史為子延師歲費百餘金此為巨擘說者謂崔氏顯時子弟知習漢文故
其家多藏書如感京通志八旗通志詞林典故寫本春秋左氏博汲古閣五代史古香齋淵鑑類
函坊刻通鑑綱目史記漢書評林管子鹽鐵論參同契擊壤集紀效新書籌海圖編廣博物志秘
書二十二種呻吟語施愚山集午亭文編此外明史武備志數理精蘊東醫寶鑑協紀辨方及郡
邑諸志多種至璠時已式微散佚斷爛不可收拾然所存亦止此

果德興 知重漢學繼崔璠而起者為水師營四品官果德興年逾三十為倉官聞讀成者譜四子
書發之遂命子弟盡讀漢書見一通文墨者雖在城旦鬼薪禮之惟恐失猶子齊轍布曹受業於

西清

達呼爾林 齊齊哈爾人以馬甲貼為幕府書與憲館老生遊久之漸知書禮習卜易祀先亦設神

主部俗盡改同類自為怪物不恤也嘗言跳神一事不見經傳既知其非而因循不改用屢變夷
之謂何其達如此惜三十病卒

五二

延順 清咸豐初驍騎校尉延順北京正白旗人也其父以罪充黑龍江軍居齊齊哈爾三年鬱死
延順奉母至巴彥原為貧不能自給母子皆採樵度日延順性至孝得錢必以市甘旨救水之數
雖膏梁不易也一日同母樵山上時當秋夏之交赤日卓午汗流如灌母渴甚延順下澗取水忽
聞號呼聲急返則熊已踞母去奔山北石崖崖壁立高二丈餘延順將奔狂呼躍而上熊釋母與
延順搏谷傷其耳熊怒咆哮跳躍聲振山谷勇氣倍發前撲愈近方擇持閭忽巨掌飛來幾掠延
順之面急以斧禦熊掌格斧斧墜熊大笑而前撲益猛掌上血淋漓滴不顧也延順奮空拳與搏
延不得捨斧退又墜崖下稍一躊躇熊亦已攫其襟延順瞋目大吼聲如雷熊力略遲頓而延順
已躍出熊之後矣乘其前撲之勢力掀之下崖急取斧躍登熊背而支解之負母歸向獵戶乞藥
醫母母竟得瘥

案百獸中以虎為最猛然虎知畏死故易與熊則慙不畏死知進而不知退延順之能勝熊者
幸敏勇敏抑智敏盡孝為之也孝故知有母不知有熊知有母之生不知有己之死其不畏死
之勇與熊等而智又足以制之茲其所以勝敏延順後以驍騎校尉從軍廣西水實之役卒以

討賊殉國移孝作忠宜其不畏死也今之言愛國者衆矣真能不畏死者幾人世風日下忠孝廢而生命重人人畏死是又熊所獨笑者也

湯克音 湯克音之名不見於史家者述亦不聞於名公巨卿搢紳士大夫之流塞上父老乃嘖嘖稱道之爭頌其繼由教稼之功不衰民國肇建邊荒漸啓湯克音之名始稍稍出海內究心銀政者多艷稱之湯克音齊東農家子世居萊山之南父貿易齊齊哈爾城久不歸克音年十七性堅忍耐苦尤好奇騫遂沈雄有大志以天賦異才而辱在泥塗為田舍翁供驅使與牧猪奴爭短長鄉人固異之識也亦負事母孝備耕於東鄰王伯原得錢必以奉甘旨迨母死輟耕隴上歎曰丈夫當遠遊耳安能鬱鬱久居此居無何以出塞尋父求去王伯曰無庸勤若職服若役吾將倍若值克音不可請益堅王伯感其誠遂許之且助貲焉頗行曠之曰吾聞龍沙萬里雪窖冰天居民習牧獵不穀食履其地者水土不相宜非病以死即凍而僵耳若意既決可試之如中途返仍來吾原克音曰諾遂告別由登州城下附風帆北上既渡渤海灣舍舟而陸跋涉遼東之野時關左交通未闢荆榛塞路輾轉二載餘瀕死者三囊資既告匱繼之以乞始抵齊齊哈爾與父遇父畀以資使營商實業克音不能也強之輒敗問所欲則以墾田對父怒曰邊徼荒寒非可耕地兒欲為餓殍耶卒不許在再四載一無所成父乃以銀百兩促之歸且告之曰此間無久居去亦勿再

來官商客此者得質輒携以去歸故里猶因園長子孫為牖下終老計今吾猶是志也他日得巨
質必即歸兜行矣勿以父為念克音知不可留擊所授金泣而行行數日忽迷途走入荒野間豐
草長林徘徊不得出俄有數人騎馬來佩刀執叉作蒙古裝悍猛類獍豸意欲囚殊可怖見克音
似驚且喜勒轡環問之語為虛莫能辨竟虜以去馳驟數十里抵一處為今杜爾伯特境地勢平
沃水草肥美牛馬屬羶雞犬相聞富戶可百家奉一酋酋年六十餘長鬚大腹儀態甚偉熟褐克
音呼一老者前候與語老者固漢人通語語尤姓亦齊人三十年前被虜而來者也尤翁詢克音
所由來俱以告酋且勸留此為酋役已當為先谷克音固好奇慨許之居月餘服務甚勤頗得蒙
酋歡又性慧善記憶漸能與漢人語久之眾情益洽姓名大噪自酋以下崇拜之尊幾無出其右
者克音喟然曰欲行吾忘此其時矣乃相土地之宜講播種之法導以農田之利而示以衣食之
源漢人多感悟酋大喜以尤翁為之媒而妻以女青廬交拜伉儷甚諧女為請於酋指地授田驅
牛馬督奴僕闢草萊試耕擊馬克音以身作則事必躬親自耕耨以至收割舉其農業所夙習悉
用為實地試驗勤劬終歲秋獲甚豐更教以卷粟浙米烹飪飲食之樂漢人甘旨初嘗得未曾有
羶詫以為神崇敬之擊視佛為護酋乃教所屬男女從克音學稼穡園圃凡分田畫井勤惰賞罰之事
悉聽其所為行之一年時和而歲大熟謳歌之聲聞於四野蓋榛狉游牧之風自此為之一變而

今日內蒙傾重漢族之誠實基於此克音既富有農田貴為酋長乃逆其父於齊齊哈爾而奉養之後克音曾騎獵墮馬死年僅三十有二子三人奉厥祖考終

案湯克音無年代可考嘗過杜爾伯特之野雖村婦牧豎多能道其事田原雖悉嘗饋而祝者必曰湯克音村醜香大逢杜而祭者亦曰湯克音湯克音其蒙人之先農乎向使稍具文學知識天假以年更以教育事業佐其興墾之功安知森幕王庭荒沙大漠間不早進於文化域耶雖然興邊墾大政也化異族大難也湯克音以農家子乞兒末路囚虜餘生乃能出其所長開闢邊荒為農旗貽無疆樂利為黑龍江農業史上放一異彩雖所志未竟嗚呼遽逝於厥建樹世所謂賢豪閭者非歟

名宦（附）

是編人物以籍居江省者為限至名宦中如薩布素綽爾多博玉多歡觀明及近代程雪樓朱子楷諸公流風善政遺愛在民惜限於篇幅不能備載概詳叢編中以待續刊茲僅舉歷任將軍副都統姓名任期列為左表若選人醫客有嘉言懿行可紀述者亦舉數則附表後

清黑龍江將軍任期表

康熙二十二年設駐黑龍江城（即瑯瑯）二十九年移駐墨爾根（即嫩江）三十八年移駐

齊齊哈爾

康熙

薩布素 二十二年十月至四十年一月

溥鼎 四十二年八月至四十六年

楊福 四十八年二月至五十四年四月

託留 五十五年十月至五十九年二月

雍正

那薩圖 三年二月至七年十二月

塔爾岱 十年九月至十三年

乾隆

烏里布 元年三月至九月

博迪 三年七月至八年九月

富爾丹 十四年七月至十七年十二月

青保 十九年七月旋調

五六

沙納海 四十年二月至四十二年七月

訖沙 四十七年十一月至四十八年一月

三官保 五十四年五月至五十五年九月

陳泰 五十九年二月至雍正三年一月

卓爾海 八年一月至十年十二月

額爾圖 元年十二月至三年五月

富森 九年一月至十四年三月

綽勒多 十八年七月至十九年五月

達勒當阿 十九年八月至二十年五月

達色 二十一年三月至八月

郭多歡 廿七年十月至二十八年十二月

富玉 三十三年十一月至三十五年七月

富玉 三十七年九月至四十四年九月

恒秀 四十七年七月至五十三年十月

都爾嘉 五十四年七月五十六年十二月

舒虎 五十九年至嘉慶三年

嘉慶

那奇泰 四年至九年

斌靜 十四年至十八年

松寧 二十四年至二十五年

道光

松林 二年至三年

蘇崇阿 八年至九年

緯勒多 二十一年九月至二十七年八月

富價格 二十九年四月至三十三年九月

增海 三十五年八月至三十七年六月

永煒 四十四年十一月至四十七年八月

琳寧 五十三年十二月至五十四年四月

明亮 五十七年十一月至五十九年

觀明 九年至十四年

富俊 十八年至二十四年

奕顯 二十五年至道光二年

祿成 三年至八年

特依順保 九年至十一年

富增德 十一年至十六年

棍楚克策楞 二十年至二十八年

咸豐

奕格 三年至六年

同治

特普欽 元年至八年

光緒

豐坤 元年至五年

文紳 八年至十三年

依克唐阿 十五年至二十一年

壽山 二十六年一月至六月

達桂 三十年至三十一年

清齊齊哈爾城副都統任期表

康熙三十七年由墨爾根移駐齊齊哈爾

哈豐阿 十六年至二十年^{五八}

英隆 二十八年至咸豐三年

奕山 六年至同治元年

德英 八年至光緒元年

定安 五年至八年

恭鏗 十三年至十五年

恩澤 二十一年至二十六年

薩保 二十六年七月至二十九年

程德全 三十二年^{至三十三年}(裁)

康熙

喀圖瑚 三十七年至三十九年四月

勒色禮 四十三年十月至五十二年

鄂三 五十五年十月至雍正二年四月

雍正

多起納 二年閏四月至三年十一月

額爾欽 五年二月至七年閏七月

布爾沙 十一年七月至乾隆十年四月

乾隆

哈圖 十年七月至十七年一月

色圖懇 二十年九月至十二月

松阿哩 二十一年至二十二年四月

華住 二十三年十二月至三十四年四月

鄂木布 二十九年三月至三十二年四月

烏禮 三十九年六月至四十三年

白濟 五十二年十月至五十五年

外三 三年十二月至五年二月

王常 八年一月至十一年七月

達色 十八年二月至二十年八月

聖保住 二十一年三月至十月

伊住 二十二年四月至十二月

友屯 廿五年五月至廿九年二月

倭陞額 三十二年四月至三十四年二月

郭木布 三十四年二月至三十五年四月

倭陞額 三十五年閏五月至四十二年十二月

圖福 四十三年二月至五年十二月

伍靈阿 五十一年三月至四月

巴里木達 五十一年四月至八月

伍什哈達 五十一年十一月至五十三年十一月

巴里木達 五十四年一月至六十年

嘉慶

玉恒 元年至八年

那彥成 九年至十年

斌靜 十年至十四年

凌太 十四年至十八年

蘇清阿 十九年至二十三年

春陞阿 二十三年至道光十年

道光

舒保 十一年至二十八年

克興額 二十八年至咸豐七年

咸豐

那敷德 八年至同治三年

同治

寶善 三年至六年

克靈額 六年至八年

六〇

全英 八年至九年

托克湍 九年至光緒六年

光緒

祿彭 六年至十三年

托克湍 十三年至十六年

文全 十六年至二十年

增祺 二十年至二十四年

薩保 二十四年至二十六年

程德全 三十年至三十二年 (裁)

附記

方承觀 字遜穀號問亭又號資田安徽桐城縣人祖水部遺戍黑龍江隨父中翰侍講塞上南北奔馳凡二十年險阻備嘗學亦大成後受知平邱以內閣中書薦舉乾隆丙辰博學鴻詞官至總督贈太保諡恪敏

江蘇詩事太保祖水部父中翰皆以才著水部坐累謫塞外時太保未弱冠隨中翰侍水部重研徒步侍重闈掃馬通為新點渾乳為餌備極艱苦願誦讀不輟為詩文浩然有字龍一世之意雍正十一年半郡王奉命統師北路奏聘掌書記上授中書舍人贊畫著績遠夷效順奉命撤兵由銓曹擢用監司躋方伯旋晉浙撫整州羣荒設法賑濟全活無算督直隸舒陽賑陰民懷吏畏凡所擘畫四方取則焉

陳兆崙云先生少擢憲難聞關單步履履萬里其傷心拂意之境備見於出入關塞諸篇有古
豪傑之所不能堪者而先生之氣愈和神愈密略無怨對不平之鳴迨乎遭時顯貴為總督意奉公
上紓軍國之籌下以究民疾苦而於人世嗜好一無所營當其淵然獨居歌聲若出金石不與向
在逆旅蕭條時也

黑龍江外紀方恪敏公觀冰未遇時變姓名為馬飛熊往來齊齊哈爾左右久之父歿時方嚴嚴
骨還鄉之祭公盜之覺杖幾死頃之復盜竟徒步負入關宗嘗見土人錄行書一幅署名桐城方
登輝或即公之尊人聞嘗撰卜奎雜志一書惜不傳

隨園詩話慈敏公未遇時祖父俱以罪戍塞外公南北奔走備極流離清涼寺僧號中州者知為
偉人時周恤之公贈詩云須知世上逃名易祇有城中乞食難後官制府為中州弟子麗群重建
清涼寺殿宇煥然余過而有感亦題詩云細讀妙龍數首詩尚書回首憶前期英雄第一心問事
揮手千金報德時

寄心齋詩話伊古忠臣孝子無不從患難中來席豐履勛力厲疲焉能卓然自立孟子天降大任
一章為萬古閱世最深之論今讀方恪敏公述本堂某祖若父為鄉人所株連少時走省往來塞
外凡二十年假當時不過平邱安能達名世宗漸至榮顯以伸抑鬱幽長之氣誦其詩藹焉歌

諸篇令人中心慘怛當此時為計有後日耶英雄喜言知遇先生經濟文章皆從患難中來又豈英雄所比

訥爾模 一等男滿洲人康熙間戍齊齊哈爾與桐城方登嶧善詩名畫少集方登嶧序云拙庵十三年居窮蹙之地吟誦弗輟暇則以卷衛屯短車出郭荷鋤移野卉數種時階下非襟懷浩落烏能如此拙庵訥自號也

龔光燿 字樂林常州人戍齊齊哈爾將軍宗室永混喜吟詩自號玉華夫與龔唱和有作皆呂書甚見親禮然一筆不當竟猝付所司拘繫旋釋之待如初

王霖 流人通文者類以教書自給齊齊哈爾最著者江西王霖字雨亭新昌諸生教授八旗義學仿周興嗣千字文撰萬字文末就卒

蔡毓榮 土人言初設十九站廬舍器具皆米戍之總督蔡榮捐辦八旗通志名宦大臣傳蔡毓榮字仁庵漢軍正白旗人康熙二十五年由雲貴總督倉場戶部右侍郎轉兵部左侍郎尋以罪戍口外未幾召還三十八年卒土人所云殆即此公特其名字訛傳耳

李鏡 號伊山漢軍人官佐領清雍正間以事誦戍齊齊哈爾弟鐸字徵君著尚史曉集世稱薦青山人念兄老病請假省視居匝月歸陳盡公行為徵君誌生壙稱其東涉遠有所會心輒沈吟延

行或窮險極幽渡拾放失遇有道者必質所疑即精理蓋謂此也後伊山以運餉解戍

六四

傅鼎 清尚書雍正四年為盛京戶部侍郎以事戍黑龍江九年呂璽李銘作偽傳云公運政貴公被嚴譴所親代之憂公方率老僮腰斧伐山水故上有以結主知而旁人莫能具涯煥表枚換神道碑云公簡命負書一篋步往寧涼僅斧新自炊於此見行乎患難更有本末

李仁山 山陰人戊齊齊哈爾妻查氏自都買一婢值米省樹人之無好名舉子可贖仁山非選於鄉查之弟禮學儉堂湖南巡撫所著銅筆書彙集中有文云雅志一曰仁山戊申奎在京師北六千里自瀋陽抵卜奎中間千數百里無居民畫則子行夜則露處身自糶雪盈野數語無卷外景象逼真但謂卜奎在京師北誤也六千里之說亦不合或其時道路同此遠較

齊某 河間齊某戊齊齊哈爾設有年矣有子在籍欲收骨而歸資資偽屠豕為樂且行且售病應手愈因得善價真則其所以然也已真骨歸行次窩集遇三盜泣陳其事盜憐之贈金方拜謝一盜揮踊大號曰若藐孤不索數千里為此舉自命英雄欺莫欺置之邪因擢其黨云君等自使我且之肅州尋親揮手竟去事載紀昀姑妄聽之訂自言十一二歲聞之叔父其時當在清康熙雍正年

間

章汝楠 字鑾山紹興人之榜舉自肅以罪戍齊齊哈爾館水師營呂氏旅坐卧一室數年不出戶

部侍郎保泰高其學行數召之不就門人呂景儒將婚汝楠召與譚語三晉音與老妻初接面以寡言笑勿預談既歸以內怡怡如也此作令得三悅母一老妻弟婦分其二若二則母一藏一必不忍獨與寡其善誘多此類久之老且窮或周之可以無取必不取曰不忍不孝可以貧賤累人乎後故歸

世臣 字嵩嵩滿洲雍正丁未進士為咸京禮部侍郎得罪戍齊齊哈爾一日點卯來遲主者鞭之歸悲憤成疾卒此乾隆十九年事嘉慶二年其子保文來訪遺孀不得晝夜持零丁與市上甚哀一白髮者見之指倉後叢草云記少時見此葬一人聞其足履皁屨乃曾戴紅頂者或即若翁如其捐之果見皁屨乃輿禮歸白髮者漢軍也

宋書毅 清甘肅安遠道州府州縣官在齊齊哈爾者若汪皋鶴史堂黃道與德寺院中多有筆墨遺蹟惟宋縣土人相其才無能舉其名號鄉黨者隨園詩話云杭州宋笠田明府名樹藝華蕪湖有賢聲罷官因赴補兩當縣過隨園一宿而別聞為甘肅案誦戍黑龍江近七旬恐今生未必再見幸鈔存其詩然則土人所稱詩話所載也

王性存 字味餘河南優貢官山西榮河縣知縣光緒四年以蝕賑銀案戍齊齊哈爾主講經義書屋第邊荒微始有絃歌之聲大吏折節名重一時詩軒爽駭快無語不探喉而出此事屬詞賦物尤

工或澄淡似陶或奇崛似韓武豪勇似蘇武深秀似王與會落紙颯颯如飛雖枯槁臥初不以境
遇園也十一年赦歸

李慎吉 字謙六河南人清嘉慶間成齊齊哈爾備李景儒家既見其能文請為諸子師有勸其
立家室者李以家有糟糠解時人義之俄卒裁三十餘

范如松 字近光與李慎吉同時成齊齊哈爾原籍安南事黎維祁為大臣阮光平立入中國安插
水師營亦以訓練為業謝者細其熟於史鑑慷慨有華風後釋歸國

武詡 土人舊無知醫者醫多來自內地清嘉慶時有晉商武詡善鍼灸施藥治人不計利得良醫
禮章汝楠為作傳以移呂景儒臣亦奉醫讀書心細不輕下藥偶時疫作陰合藥投井中活人甚多
是真不愧武詡

民族（附）

漢人 清道咸間放荒許民人開墾各省來者山東山西直隸三省為多齊齊哈爾省城外多散居
東荒一帶今則無處不有矣

漢人 清康熙二十一年始由烏拉爾古塔從征來此護紅衣砲乘船來江護砲者為漢軍使船者為水手二十三年設營齊
齊哈爾及建省城永寧駐防其家遂由烏拉等處遷來嗣漢人入軍籍者日多齊齊哈爾省城外各

城皆有種族日繁

案漢軍多山東產隨孔有德來降編入八旗初駐防墨爾根後移駐齊齊哈爾

水師營人 清康熙二十二年由京口江甯選有涼產之水手百名送京由京派章京一員兵八名送交烏拉薩布素等軍中嗣因該城永氏立水師營留江駐防

案水師營或謂皆吉林之邊移人及平定三藩之漢軍清順治十八年編入吉林水師營從征雅克薩城有功遂移營齊齊哈爾

站丁 多兵備邊遠極邊充郵卒當考差今皆開放為民籍

案站丁皆雲南產以吳三桂叛故謫充山海關外旋由關外各站調撥來江乾隆元年展放茂興呼蘭六站更由齊齊哈爾分撥各城

屯丁 清康熙間遣戍罪人分配各城設屯耕墾供給兵食名曰官屯亦呼旗奴今開放為民籍

案屯丁亦曰官莊人多遼瀋一帶居民所謂開戶人也康熙間兵行絕域糧道不繼由京派已革尚書蔡胡等招徠開墾遠屯居焉亦有近年出征官兵由軍營帶來各省民戶續入者又有官宅奴婢有功主人居三匹以上准入官屯充丁者其最後至者為墾民不得隸旗籍咸豐間中原雲擾難民避地出關墾更因籍而賦之氏族衆矣其于見者則有鞞樓闐創拱朴官唱掃劍逐諸姓

朴音翹高麗種族北京朝鮮均有之

六八

滿洲 清康熙二十一年始由烏拉甯古塔等處隨將軍薩布素從征來此二十年設黑龍江將軍等官兵丁留戍省城既建其家遂由烏拉等處移來

案滿洲皆吉林甯古塔兩城駐防從征羅刹有功遂留愛琿西遷墨爾根三遷齊齊哈爾分伊散滿洲佛滿洲兩種伊散新也佛舊也氏族詳前

蒙古 以省有三旗一札魯特旗一杜爾伯特旗一郭爾羅斯後旗均同種同族

案蒙古元裔也漢姓有朱吳五伯名姓本氏無考

近今地學原謂黑龍江省興安嶺西皆蒙古人嶺東為契丹人興滿洲最純之種索倫人索倫契丹土語不同然可以相通

索倫 以游牧漁獵為生多在布特哈爾墨爾根及呼倫貝爾近亦有居省城者

案索倫通商漢通古斯俄語喀穆尼皆索倫也舊為打牲部清初居黑龍江沿岸因羅刹侵擾移居嫩江腹地康熙三十年設城齊齊哈爾始編入旗籍駐防名索倫兵北征羅刹為副驅雍正乾以還伊犁衛藏之軍事索倫兵靡役不從海蘭察遂以戰功特起成同閭僧格林沁平擒豫東麾下西丹精卒尤稱勁旅今則歸俄籍者頗多大都能操俄語求其操華語者百不獲一邊氓內嚮

之情益久不可恃矣本氏無考漢姓有胡白諸姓

達胡爾 亦名寧門人或曰打虎力多住布特哈亦有住省城及各城者

案達胡爾本契丹種遠亡徙黑龍江北境為打牲部清康熙二十八年編入八旗分駐齊齊哈爾伯都訥各城其婦女善保赤故生齒日繁男善游牧在蒙部中稱殷富漢姓有吳金何張陶白郎富諸姓

巴爾虎 一作巴爾呼本蒙古喀爾喀屬部清康熙中自依境來歸編入八旗隸黑龍江城駐防附打牲部之後後移駐齊齊哈爾族有新陳之分

陳巴爾虎 此族昔在水蘭圍場游牧後遷至興安嶺北遼東一帶冬自沿海拉爾河上游夏沿河下游與索倫人性情最近而言語稍異俗不敬喇嘛子弟亦有習漢文者

新巴爾虎 外蒙古也昔在外興安嶺北麓游牧嘉慶間漸向南來遂成部落因其言語與陳巴爾虎相通故名巴爾虎新編入旗故曰新巴爾虎然俗敬喇嘛託命於佛與陳巴爾虎相水火瓜爾察 亦曰卦勒察打牲部落屬科爾沁蒙古

案瓜爾察清康熙二十八年科爾沁獻之編入八旗分駐齊齊哈爾伯都訥兩城有胡白原趙金富吳陶諸姓兼通漢蒙語

錫伯 本鮮卑遺種打牲部落屬科爾沁清康熙間獻之編入八旗分駐齊齊哈爾伯都訥兩城

案錫伯人語言衣服與達胡爾同有關當何諸漢姓

額魯特 即準噶爾部人多住呼裕爾河流域亦有住呼倫貝爾者住呼裕爾河以伊克明安貝子為首領住呼倫貝爾以該地總管為首領原隸新疆清雍乾間始遷此

案額魯特一作鄂勒特蒙古游牧部落其先為元之牧奴康熙以還隸黑龍城駐防附打牲部落之後本氏族無考有胡奎鄂諸姓衣服語言與蒙古同

額魯特部之居黑龍江者自乾隆二十年準噶爾台吉巴桑始巴桑投城封輔國公

他賁 蒙古之一種本氏無考漢氏有何吳大諸姓語言衣服與蒙古同

案蒙語札賚特四數也他賁五數也又蒙古守公主陵之官為他賁梅勒梅勒譯言官也

鄂倫春 此族為興安嶺山陽土著之民世居山中性質愚悍不解游牧有步及猛獸之勇專以打牲為業騎馬使槍習成特技食肉衣皮不知米為何物自五路協領之制廢羈縻全失潛入俄籍者

日多

案五路協領光緒二十年黑龍江將軍奏設因收籠鄂倫春人將原設興安城裁撤以鄂倫春人分歸瑷琿墨爾根布特哈呼倫貝爾四城管理瑗琿分上下二路墨爾根布特哈呼倫貝爾各一

路共五路每路設協領一員以資收集

奇勒 類生番以打牲為生住內興安嶺山中居無室墻牲轉徙

案奇勒人居爾吉塔東北二千餘里寧遠河等處者打牲外尤以捕魚為業衣服不著鹿皮夏著染色之苔抹哈魚皮又名魚皮韃子

布萊雅 舊凡二十四旗今已有十三旗隸俄籍矣俄語云阿白拉子乃新巴爾虎分支也昔在俄沿邊路爾奇各河兩岸遊牧咸豐間俄人伸足東亞此族被逐其不欲從俄者遂東遷呼倫湖左近今所餘名旗亦漸有北倚之勢

札薩克圖 哈薩克之分支在呼倫湖西南一帶言語自成一種與別蒙古不通有打牲者有遊牧者訥爾古司河以北均隸俄籍南則猶屬中國其從俄之喇嘛時至呼倫尚稱中國為佛國云
回回 皆由各省遷來住省城各外城亦有之

案回民本回紇遺裔回紇助唐平安史之亂始有留居中國者初在陝甘境後乃東漸江省各城皆有之本氏無考

此外沿黑龍流域之土著人尚有數部略如次

庫野 即樺太島之阿伊奴人與日本北海道蝦夷為同種

輿婿乘馬先歸候於庭彩輿至門稍遲始納之院中設香案度寶瓶壺香斗斗尊弓矢秤錘案旁支木棚幕彩布曰帳房女降輿婿姑姊輩尊之入去覆首巾婿入行合巹禮曰交杯酒女開面梳髮作新婦裝女家即帳房備席延婿曰官飯宴畢婿與新婦同詣香案前行三叩禮曰拜天地既入洞房新婦坐床撤帳幔重理髮更新衣是時婿亦食送親者曰下馬飯飯罷新婦裝竟下床偕婿面西牆拜先祖謁舅姑次及親友奠畢曰夕宴賓客及送親者曰正席洞房席曰長壽筵三日婿同婦詣婦家曰回門

漢軍 媒妁議婚成傳庚帖帖用紅布或紅紙 男家具酒瓶方酒率子謁女父母曰會親家納采前二日男

饋猪酒陳女家相望兩姻家同跪換酒叩拜次兩姻母女姻親再奠亦如之曰換盞禮畢婿拜女家

先祖次尊長暨女父母親迎冠帶披紅乘馬從騎如兩州禮既至謁女父母行三叩禮女家稱之曰

新客新客不言入席不飲不舉箸女家賞銀錢於裕子座新客腰間始言笑飯食是曰面禮亦曰開

口錢次日吉朝俗稱正子 女挽髮為髻無冬夏服高衣外楊紅衫紅巾覆首既升輿婿乘馬先歸候

於庭綵輿至門遲久而後納之謂之扳性亦曰謂密仰其性便就柔和也院中供香案 婿偕婿父拈

香訖兩婦扶女降輿一挂親妻一挂親妻 偕婿行拜天地禮拜訖婿姑奉寶瓶銅鏡搭女肩導入洞房歷門

限覆馬鞍一具婿執戟一挂親妻一挂親妻 立洞房內為女去覆巾鞍者安也戰杆者取多子義女既入向是日福神

崇蝦夷即庫野之變音庫野一作庫野

七二

費雅喀散居黑龍江口俄屬尼古拉夫斯科附近更及樺太島之間今概稱為費雅喀

采費雅喀其人自呼曰尼古奔在俄阿穆爾省其音為那貨克在華太島四岸則為那害克

恰克拉 居瑣春東沿海及富沁岳色等河之濱與奇勒種人最相近言語發音亦差同

七姓 在三姓西二百餘里烏札拉洪科等處其族雖事耕鋤然以漁獵為業

赫哲 與七姓所居接近性習強悍迷信鬼神

以上各部庫野費雅喀為亞細亞最古民族所譜肅慎是也其餘悉屬通古斯族

龍城舊聞 卷三

徐鄉魏毓蘭馨若氏編輯

禮俗

婚禮

滿洲 議婚以媒妁既成男家率子謁女父母及尊輩名曰認親饋贖銀首飾布帛猪酒曰定禮禮
原薄視宗豐儉亦有折納金錢者及娶遣媒通訊詢女庚擇吉屆期備彩輿致猪酒先一日行親迎
禮亦有不婚冠帶披紅乘馬從騎六或八日對子馬至女家拜其先祖女家亦以妝奩至翌辰女升

所在方面坐曰坐福。僦居者房東不允坐福於室內，則院中設綵帳如滿洲俗坐福。後女開門，婿與夫婦同席吃長壽麵，拜祖拜靈，拜翁姑，尊長是曰宴送親。人於洞曰官飯，宴賓於他室曰正室。既夕，新夫婦同食餃子曰吃子孫餽餽。三日夫婦反馬曰回門。五日內外祭先，瑩曰廟見。滿洲漢軍婚姻不論財，猶有古風。

民籍 婿輩漢媒均重相攸。先男後女相既協，男族以銀錢或布疋首飾遺女曰定親。禮擇日媒灼傳遞男女庚帖並饋布數疋，金銀首飾數事曰過小禮。又曰掛定他日再過大禮曰壓衣裳。布疋首飾咸具，勝以金錢曰羊錢，謂迎饋羊而代以錢也。迎娶之禮與漢軍略同。合巹後夫婦同詣庭前參拜祖譜堂廟見，並謁舅姑尊輩。是日親友查錢往賀曰隨禮。主人請賓入青廬，命新夫婦依次叩拜曰上拜。宴客多至數十筵，酒泉肉林饒饒交錯。故先期請鄰里應賓者備几筵曰樂忙。民籍婚姻論財以東錢二三千緡為率，少亦七八百緡。貧乏者恒因財禮不備，渝盟賴婚不及。旗籍尚有古風也。惟俗重早婚，男未及歲而即娶，女逾歲而後嫁，則其弊同。

徵籍 結婚重媒灼，駢用牛馬多寡不等。首飾必備，分兩期納之。吉禮有大娶小娶之別。殷富者饋牛馬四頭行迎娶禮曰大娶。娶時婿身披紅布曰哈嗒布，佩腰刀示尚武。先赴女家宿，留兼旬曰吃筵。迨新婦車輪出門後，請喇嘛沿途誦經。新婦入洞房，婿解佩刀懸房門外。是日邀親族鄰里相宴。

飲小娶者貧不能具禮贅女家仍垂髻不婦裝異時婿積資稍裕可補行大娶禮往往子女成行隨母入門而翁姑受拜仍以新婦稱之

回籍 議婚用媒妁言盟則阿翁將訂盟男家請阿翁暨媒妁同詣女家兩家各陳情懷結姻緣阿翁則申以貧富不渝之義借其一言以為婚盟定盟後過禮兩次小禮銀劍金環各一對脂粉各一盒茶葉一斤餛子四十斤大禮米斗麵餽一盒羊一頭衣服布匹惟女家之索是應娶時不拘月日子支亦親迎先一日官服披紅插花乘馬以行游街拜莊並謁阿翁既至女家將入門兩童女爭以喜果擲之迎婦歸兩家主婚者暨媒妁左右坐新夫婦並跪阿翁備書其經名宣示成親之意復為誦經一通誦畢以喜果擲新郎新郎謝阿翁行拜叩禮阿翁就筵眾以次坐女家親眷抱女入室面壁坐福竟日女母陪之既夕男女咸集陪新夫婦吃長壽麵新婦下炕為婿脫靴次日備几筵親族新婦次第拜見諸姑伯伯均有賞亦曰回門

喪禮

旗籍 初喪停靈正牀子居左媳持喪杖居右呂草坐臥即日成服服無斬哀制滿洲黑帽青靴漢軍皆白布裹之或戴白氈帽均衣白衫前後開氣帶長丈二尺女白布包頭服不開氣次日以水淨死者面曰開光院內立高杆懸紅幡曰靈魂幡祭幡男左女右日三次祭事返供靈前二三日大殮

親族咸泣含錢一棺底整制錢作人形其數視死者之歲外增二錢一天錢一地錢也富者冠帶華服以銀錢實兩手貧則便服以紙箔真錢代之禮式滿洲上鏡下寬內容高大類帳幕澤軍上厚微窄下薄略寬前壯後小均外繪彩色內糊紙布中支木板下墊黃土殮畢停柩室內第三焚真錢或紙紮車馬徒從於郊外或廟中曰送格連婦女之喪婿家備紙牛一謂能喝穢水也自始喪至第七日孝眷母日兩祭哀葬期滿洲殮後七日或九日近亦仿漢擇擇時日至遲不及百日既卜期訃告戚友庭前搭席棚設筵用鼓樂關弔受奠親族侍喪次先一夕行辭靈禮戚友依次致祭孝子愛跪灑香徹夜始竟發引白布繫棺喪主肩引之戚友眷眷傷送至墓所墳塋富貴者內作屋形設炕度棺瓦器貯油燃之歷歲發始息曰萬年燈中人之塚多用外棺重以磚圍無財者木棺掩土而已喪畢喪主返廬謝客不成主不慮齋三日重約戚族詣墳致祭曰驗墳過一七五七七等日均墓祭亦有延僧誦經超度靈魂者百日期滿會戚友大聚餐除白杉曰脫存逾三年墳註死者諱號於宗譜旗俗太婦皆合葬夫先死即葬婦死厝以待

民籍 初喪喪主趨東房烟筒下手木棒西南指大呼曰某親奔西南大道凡三呼謂亡人靈魂由炕洞入煙筒出也既而散髮哭泣即日成服服白布長衫戴白巾杖用柳去皮草坐臥朝夕不離靈前供米飯一盂孟插前桿三桿端縛綿白餅頭飯喪主日次赴土地祠焚香奠奠哭泣次日殮殮

服五件七件九件不等以貧富為差富者以銀錢殉貧用冥鏹停柩室外祭室棚三日焚其物於土地祠或城隍祠曰送行謂亡者靈魂三日內寄棲其間也第七日熬紙臺曰望鄉臺家人咸詣臺前祭畢焚臺貧無力者祭煙筒下筵奠無定期貧者五日或七日即葬富者三閱月或五閱月亦有感於風水厝數年而始葬者葬時紙紮人馬房金器具咸備先一夕行辭靈禮殯刻有官職者棺槨尚龍頭鳳尾式餘用彩布俱以白布為緋長子執靈幡前導眾子以緋紙柩戚友皆送至墓所營葬砌壙以磚有棺有槨壙燃萬年燈並納五穀及水瓶取水統為念經時儲取河水供靈之瓶守禮之家成主返虞行虞祭禮貧戶則書亡者諱號於示諸不特祭既殯不論距初喪久暫皆釋白布衫改服青衣緣以白靴帶仍用白百日內男不雜髮女不首飾與旗籍同凡死者五七七七周年等日均蒸祭戚友助祭三週年大祭宰猪烹羊庶食着祭事極吉服喪事甚莊僧道誦經謂可超度靈魂初喪之第三日及第七夕皆然啓期及三周年大祭富者則舉行之

一 蓆籍

初喪喪主赴土地祠醮奠並請喇嘛誦經無喪服制殮用衣服棺木舊俗野葬或大葬野葬

以一馬駕車載棺行郊野馬上處即為吉壤火葬焚骸成灰納瓷罐瘞之今多仿行藉稍變舊俗墳式下方而上鏡當者亦廟葬初喪家人昇尸端坐周身纏白布殮入坐棺就門前隙地築廟如壇瘞瘞極其中惟耗資甚鉅此等墳墓不多見

回籍 喪事無服制無供祭無焚彩焚箔事初喪炷香屍覆面以布喪主哭於禮拜寺曰報寺領清

水一盃並請經匣暨副木二副木不審本名俗語別之曰水溜子乾溜子既至置尸水溜子木

四有孔便於脫水 情青潔者二人 不飲酒浴尸男尸男浴女尸女浴阿訇臨視默誦經文浴畢移尸乾溜子

木上童擦香料繼團授米飯塞鼻耳諸般殮以白布纏裹之無衣衾覆以經匣經匣上棺也棺之蓋

與牆也乾溜子木者經匣之底也三日即殯屆期戚友咸弔發六人昇經匣上罩棺籠阿訇前導墳

以木板為牆壁亦有砌磚作甕圓式者臨壙去龍棺罩張布為蓋乃啓經匣一人立壙中一人立壙外

曳裹布 裹尸移尸於壙首北足南面微西向覆板加席築土成墳墳作長方式尸入壙時孝眷咸哭

將覆土止哭阿訇誦經喪主必跪曰跪經既定分散墳前供具反經匣於寺中戚友贈物悉遺阿訇

並以死者衣飾酬之葬後三日復請阿訇詣墳誦經曰走墳逢七日誦經曰走七有財者誦之四十

日以經期之多為盡情用闋四日期功之親咸雞髮除孝孝子服喪三年

祭禮

祭禮有家祭墓祭旅祭又有例祭忌日祭之別

滿洲 家祭取吉日 用舊歷時憲書宜祭 恭迎祖宗匣於前祭祀者之原 祖宗匣有一者有二者均藏先原 祭器有

哈嗎刀 以銅或鐵為之四周有聲 禱務 以木杆為之長二尺有 拾鼓單環鼓札板腰鈴裙子盂匙箸碗

孔繫以連環搖之有聲 禱務 以木杆為之長二尺有 拾鼓單環鼓札板腰鈴裙子盂匙箸碗

碟几架槽盆

割楊木為之長約五尺上寬二尺底半之為祭時宰猪去皮毛及承肉之用

諸類是日同族咸詣助祭正室西房炕上設几

安架恭懸先像藉以挖單

布幅

几上供黃米飯一盂度薩瑪二人捧香燼燒年期香訖薩瑪繫腰鈴

持哈瑪刀族人擊單環鼓重男二人擊札板相與樂神薩瑪歌樂詞三章每章畢主祭助祭者咸行

叩首禮禮畢乃宰豕去皮折為十一件熟而薦之或以槽盆薩瑪手搖轟務歌樂詞三章主祭助祭

者行禮如前朝祭訖食福胙親友畢至方盤代几實肉其中盆下藉以油紙不設几案既夕復祭薩

瑪手單環鼓歌樂詞三章主祭助祭者行禮如前宰豕折豕薦豕如前薩瑪復歌樂詞一章乃息燭

族人擊大鼓重男敲札板薩瑪手搖神鈴歌樂詞六章畢舉獨食胙如前次日黎明祭天地俗曰還

願院中照壁後置大案一上陳大杯三小米一碟宰豕去豕折為十一件陳昭壁東偏其西偏安鍋

設竈取肉少許熟之切為多數小方威又以磁盆二又木碗二實小米飯同供之果薩瑪單跪地口

口念安祭

即祝

以銅匙舉肉與飯南向分佈主祭者行九叩禮尋以豕尾小米納置案莫杆錫斗以

答天貺禮畢食祭餘於院中曰吃小肉飯午後煮肉煨皮會食室內曰吃大肉飯是夕祭星於東房

煙筒前祭時息燭一人白衣跪地禱左手持水刀刺豕

木刀尚質刺後以刀代之

祭畢仍與親友共食之食訖舉

燭凡祭用黑豕五雜色祭肉餘者瘞院中不少留豕骨棄之河祭期以兩日為率當者或六七日薩

瑪或男或女數多寡隨家豐儉舊時家集歲一舉行近不多見

漢軍 歲祭無定期親喪服除應行附廟禮則舉行之諷吉日陳几筵於院中上供祖先神紙牌亦
註應附者名譯主祭者率族屬行九叩禮訖北面膝行及門門覆烏毼一具執事者舉轎上安神紙
牌主祭者承以背筒負至祖龕前執事者為粘紙牌於龕中供香燭肉果行禮而退次日黎明外
祭院中設香案一上供小米飯蔬菓果品主祭者炷香奠酒焚紙箔行叩首禮日午設席宴賓又亦
如之遠近宗族內外姻親咸蒞既夕候星出焚香神牌置包袱以紙為之中實冥錢外書亡者
職銜名譯祖龕附祀各神牌同時更換陳紙者俱焚之

民籍 歲祭同族咸蒞祭畢飲福受胙與國內廟祭禮同

滿洲祀祖先在正室西牆牆支木板曰祖宗板上帝祖匣供香碟一無他陳設

漢軍祖龕設廳堂陳祖龕凡六案右財神左祖先次痘神痘神案俗稱娘娘牌次九聖次聖帝佛最東為山神

新漢軍四案無財神山神其最後至者祇供祖先朔望均炷香行禮

忌日祭 民籍祭於旅滿洲漢軍祭於墓墓籍則近喇嘛誦經僅備香供無筵席

墓祭 一歲四次旗漢皆同清明掃墓修理塋樹曰插柳七月望以夏雁曰鬼節十月朔曰送寒衣臘月二十五二十七曰上年墳清明七月望兩期舉家男女畢赴尤誠虔回俗不祭墓遠行旋里

或送他人喪經過先堂則誦同誦經一通以申哀慕

蒸後包菽包菽包以上一壘成如墳墓然每歲七月十五日屯人咸集菽包前宰牲致祭畢者肉和米食之食訖馳馬門刀

慶賀

賀娶婦曰隨禮或錢或物賀嫁女以裝奩或衣飾或鐘椅鏡匣賀壽以肉麪或幃軸三節饋送端午涼糕角黍中秋月餅西瓜年節白魚山雞麕鹿黃耒粳米

回教賀年行拿手禮兩手交胸賓主互握拜幼對尊輩則左膝微屈以表深敬

弔奠

戚友之喪既訃往弔親族侍喪次

啓期執紼引柩送至葬所

旗俗百日服闋片籍三年大祭祭於墓戚友咸蒞

祭叩猪羊素帳或饅頭供果或錢銀素紙或以錢

婦女初喪重紙牛婿家供之

祈禳

祈雨龍神祠奉神像以子吉部人鄉人持鄉威祭訖昇亭出行郊野鼓樂前導旗持香持黃紙幡以

從經過屯廟跪香祈禱居民咸素食宅外祀龍神牌宅內貯水器插柳枝祝甘討

穰病巫祝漢籍曰太平香滿洲重跳神曰跳太平神三月三九月九日為跳神會期有延僧道方士

建齋醮者

薩瑪教考

薩瑪教為滿洲一種宗教亦猶蒙古之喇嘛其名見諸北盟錄金時此教亦盛行矣凡祭祀祈穰必跳神名曰薩瑪亦曰又瑪或曰薩嘛俗作薩滿滿音訛也跳神有跳家神跳大神之別祭祀用者曰跳家神族中人多能之亦曰家薩瑪其專以治病惑人者曰跳大神即神巫類流弊滋多尤屬禁跳大神者又有大神小神之分神來時薩瑪必與一人相問答薩瑪為大神具一人為小神是名札林札林唱神歌居主與薩瑪之間傳達意旨能解神語能白主人事蓋薩瑪相也薩瑪教初立時薩瑪多札庫他氏女薩瑪多舒穆魯氏後則他氏無不能者然男教男學女教女學衣鉢相承法門各異至神之所託則多為狐黃白柳虺五種降神時主者祭以羊腥用鯉薩瑪戴大帽如兜鍪緣釐垂五色紙條長蔽面外懸小鏡二如兩目拖絳布裙腰銅鈴鐵鐺手太平鼓鼓兩耳鐵絲貫錢錢使不相併鼓聲鏗鏗鏗聲鏗鏗有肩踏足應節而翔舞且歌主者和之詞不甚了了尾聲似曰耶格耶已而神來薩瑪無本色詞氣動作悉肖所憑柔而和必狐剛而厲必虎險而峭

必蛇踊而捷必猿媽媽神喫味而善嗽姑娘神醜觀而善降哥兒神雄起而善賜羊血鬻鯉肉
執杖刃畫病人腹口喃喃似咒或以鏡摩體遇病則陷不可拔云振蕩之骨節皆應而病即去惟
或愈或不愈或小愈而不能不死或病可不死服藥不愈而轉死然神曰馬祭則殺馬牛祭則椎
牛羊祭則剖羊往往殺血尊而病人死而祭亦敗其害如此今則迷信漸除官府查禁既嚴滿人
亦多覺悟不數十年後薩瑪教將絕迹矣張其鈞者多在僻遠之鄉如松黑烏三江下游南及朝
鮮咸鏡諸道此道今日猶風聞其術則謂搜溫額奇蘇諸神喜跳蕩為樂久不跳便將為祟故其
降神之法先以數人作薩瑪狀繞室行一人忽倒地跳起兩足左右蕩作諸詭態眾即譯曰神來
神來蓋是人即神所憑也往時能作幻人術與滿人大同而小異利刃刺病人患處或截作兩段
刀出如故此法西人謂為傳攝氣術斐洲之蘇嚕天竺之印度皆能之印度以劍洞穉子之身殺
之筐下矛鋒穿婦人之魂植之空中與蘇嚕老人夾達巴矛貫英人哈葛德之胸皆此類也此外
如吃火吞刀飛鏡走帶舞馬於室室內能見月諸幻術今不多傳

蒙人富貴財者每年必延喇嘛誦經一次曰太平經

附記

滿洲原諳以布藉以高麗紙填死者名諱生者不入焉

漢皇族譜以白竹布為之存者姓名書以硃紅卒後三年行祠廟禮以墨填蓋之

滿洲依蘭根覺羅氏各族祀袍軍綫黃布三幅為之廣三尺袤四尺祀畢歛而納之祖宗匣挖墨清語布臨也凡包袱旗幟之屬皆有是稱

滿洲烏扎庫氏各族祀綢條表白綢為之凡五副副十餘條寬寸餘長尺餘祀畢歛而納之祖宗匣祀綢條者或云為牛世紀念物或云為子孫祈福

達呼爾種族亦供銅佛一尊高約八寸索倫蒙古錫伯巴爾虎各種族亦供銅佛高約三寸錫伯並祀綢條俱不祀祖先

瓜爾察種族亦供木佛一尊高約三寸配以尿皮一雙長二寸高逾二分之一不祀祖先

額魯特種族祀皮口袋不祀祖先

滿洲祖宗板高度正室西牆其下設炕有喪服者不得坐食大肉及服大皮毛者不得坐

滿洲祭祭未逾月有喪服者相過從不接待

滿洲宅院東隅立杆高數丈曰索莫吉杆又曰祖宗杆上懸錫斗負者用木斗祭時置尿尾尿膽

暨小米於斗杆首尖銳以承項骨橫貫之或云滿洲初以採獲為業杆採獲之器也立竿院中示不

忘也且示別於他族實物於斗以餉鳥雀答其救滿洲先世之功或云立杆祀天也以高為貴取其

上與天通

滿洲祭所用香皆自製曰年期香香木產山谷石崖上高二三尺葉濃綠如矮松花紅開時香滿山谷立秋前採花葉陰乾之研為末燒之香味俱佳滿洲漢軍無子嗣皆以同姓昭穆相當者為後若撫養異姓子不能襲官爵不許入譜牒

民族多直隸山東奉天籍同姓者恒認本家往來親密無子者即撫其子為後聘娶為己出亦有承繼外孫或抱負異姓子者

旗籍多數世同居故有一戶百口者

旗籍民籍皆擇一人主家政家事悉聽指揮雖尊輩不之違（以上宗嗣額）

婚娶南方曰娶媳婦北方曰娶姑娘南方往母家開面後始升輿北方至男家始開面

蒙古小娶婿贅婦家所生子女正娶時不能由門登車皆自窗間抱出

蒙古婚迎新婦至門男女各解其髮由喇嘛合併梳之蓋娶結髮之義

滿洲婦女禮跪地以右手擗髮三叩首則三擗髮

漢軍婦女禮跪地以俯伏代叩三俯伏即三叩首

民籍婚禮拜天地時男拜而女立

女未出閣年節慶賀雖舊年前行叩首禮既于歸對舅姑行叩首禮對母家如未出閣時諺云姑娘磕頭母家受窮滿漢皆然

回教以叩首為重禮對主則然主者造化之主也對父母則拜叩首禮

蒙婦老而孀則雜髮如僧頂眾呼曰擦布千尺

蒙古重男婦女忌稱夫名犯者大不敬終身譴之夫對妻則呼乳名雖兒女多則不諱也

滿洲除夕懸弓矢門牖相傳清太祖曾於除夕克強敵業由此以成諸國豎頌之迹況為俗

臘月八日達胡里紅胡里男婦並出獵兔取脂為速產之藥

元日丐抱財叩人家門戶呼曰送財予以錢則留錢而去

上元賽神比戶懸燈歲前立燈官闔屠僧名於神前拈之鎖印後一方事皆所主文畫可達將軍揭

示有官假法真之語細事朴罰惟意出必鳴金市聲肅然官亦避道而開印前夕止

齊齊哈爾在昔賭風最熾新年至元宵前尤甚大者擲骰壓寶以多金較勝負小者關於打擲蓋即

菓子戲飽食終日浮蕩成風往往因此破家而不聞以賭博得罪至流人設局漁利寺廟店肆處處

為博場肆無忌憚今則積習已除亦社會進化之一徵

為博場肆無忌憚今則積習已除亦社會進化之一徵

餃子南人曰古子歲除時先期包好風前凍乾新年隨時煮食曰凍餃子以多為貴（以上節令類）
房屋草者曰草房蓋瓦者曰瓦房草房冬暖且省費閱數年必一易瓦房有仰瓦無覆瓦下藉以
土厚數寸

屋低無樓廳與房廣表相若皆梁梁以松為柱柱陷土中一二尺墜礎者少廳堂多設炊具富者別
以煖閣俗曰倒關

牆用土坯或用堡子堡子帶土塊也富者用磚四面甃磚曰四不露房

草屋南向者三椽或五椽皆以中為堂屋西為上屋鄉居者梁稍西面為德爾吉譯言上也蓋尚右
之意

蒙古人居室多三椽西向為上謂西天迎佛也院中樹長杆杆頭懸白布小旗一

室內三面皆炕曰卅字炕中為過道富者設楹壁分內外橫壁多用榻子以透光線戶外兩牆端各
砌烟筒為室內大炕之通洩烟筒用土坯或磚磚者矗立若臺台高出屋簷丈餘或刻木為之清語
曰呼蘭

院落寬敞便於容車馬儲薪糧

窗戶冬日皆外糊厚紙塗蘇油豆油以禦風雪

家人婦子同處一室老者之室居火洞近次揖幼以大炕熱度增減之差為敬愛之別
貧人二三戶僦居一室夫別嫌明徹之道賤昧事多起於此

炕藉蘆席上鋪毛氈炕兩端一置高櫃一支木架櫃以備衣服錄物架以度放衾枕每日晨起疊被
舉枕置之木架而後工作飲食縫紉俱在炕上

客至選入內室婦女不避室有橫壁者則延客外室（以上居室類）

婚禮延客數富之家跪與儀名十六謂之四套貧戶八碗八碟曰八八席
蒙人相見於酒為上敬

回藉息於酒吸食者為不清潔人

黃米造酒曰黃酒亦曰秋酒暹羅爾以牛馬乳造酒謂之阿爾白漢名奶子酒

肉以大片肥白者為上品曰白肉雞魚切細條和辣末生嚼之曰生魚

歲除以新宰猪肉溫度未退即裝置壇內加椒鹽等物過數十日掛簷下曝以春陽蒸食味如火腿
曰臘肉

河漏挂麪類俗稱合絡以收麥麪為之河漏二字見本草綱目

齊齊哈爾產糜子土人以為常食南人來此者多不能下咽因相呼曰真糜子其實生熟軟炊味頗

香軟亦穀食中之常品

糜子考

案糜宜作糜糜粥類也禾也故從黍齊齊哈爾之穀食以糜子為常品乃北方農作物之特產及開水之一種今欲定其字義須先詳其種類種類既明然後相形會意不難一言而決相城方濟氏龍沙紀略曰卜魁土最瘠惟產糜子似小米而黃即稷也夏秋間以未脫者入釜泔湯熬爛暴以烈日焙以炕火香軟可食冬則生醞香相減是以稷為糜也西清氏黑龍江外紀曰黑龍江土脈宜糜子糜子粒如穀子微大赤黃二色煨以熟炕然後碾食諸書多以為稷土人呼為伊喇伊喇清語黍也若稷當曰斐式赫今不言斐式赫而言伊喇蓋以糜子為黍與書不同是不以稷為糜直以黍為糜也考詩經黍有二種黏者為秫不黏者為黍糜子則似黍不黏固黍類也外紀以糜為黍類則可若直以為黍也猶非爾雅稷黍大體似稷故古人並言黍稷黍稷苗穗皆似蘆大體雖相類其實黍非稷也糜之苗穗皆在黍稷之間謂糜為類亦可略直以糜為稷也仍非編韻糜為北方之穀雖類黍類稷不得謂之即黍即稷汪氏昂注本草云稷黍類似粟而粒大疏散乃北方下穀南土全無北人亦視之不重復漢烏桓傳其土地宜稷然稷為北方之穀為今糜子無疑古人多謂稷為稷別名率混稷稷為一物不知稷為五穀之長明榮鄰

合與黍並重。北方下穀所能強同。又說文：糝，糜也。玉篇：關西糝似黍，不粘。廣韻：糜，糝別名。糜既為糝，其字當作糜。呂覽本味篇：陽山之糝。注：關西謂之糜。漢州謂之糜。似糜，本可作糜。然考字書，糜作未。無穀解釋名：糜，煮未使糜爛也。正韻：粥音祝糜也。博雅：糜，糝也。玉篇：糝，糜也。是知糜從未。凡穀成米後，熟爛而為糝粥者，皆可謂之糜。用以名禾者，鮮。今江省所謂糜者，可糝食，不可粥食。與其從米為糜，毋寧從黍為糜。糜又外紀謂糜，宜從禾作糜者。集韻：糜，讓奔切。音門，亦南嘉穀。與糜音能微別。於義較安。詩：大雅維糜，維芑。蓋禾之一種也。存之以備一說。

羊性馴，嬰兒缺乳，伏羊於炕，使乳之。既久，羊與兒習，兒啼，羊即至。如母子。詩：詠，腓字。信然。

嫩江多魚，價甚賤。四五月間，皆市魚，剖而繩貫之，或晾屋上，曰晾魚。胚，終歲用之不竭。

凍豆腐與乾豆腐，均稱佳品。冬日饋遺外城。

牛羊一身，無棄物。土人以食全羊為敬。禮牛，則皮肉外，油製燭骨，製醬，將製酒，囊裏餅，可代薪。謂懸

火，無穢氣。家與馬，通並積成堆，值大風，與沙俱揚，今猶是也。（以上飲食類）

衣色尚藍灰，以棉布製袍，或用繡綢，皆缺襟。

麋鹿之皮，毛落而鞣，存製為衣服之作。苦耐磨，涅名曰哈爾馬兒。

兀喇革履也，踏雪不寒。無冬夏皆著之。

兀喇當即古人之髮靴冊府元龜五季唐同光二年渤海王大諱讓貢人僂松子昆布貂鼠皮一
一褥六髮靴革六為靴數髮兀喇草也草色深碧其細如髮長者有四尺餘齊齊爾境內亦
產之其種有三曰塔墩草曰草草水甸草生澤畔或巖谷岩石中綠葉紅根無莖葉作三稜形韌
而賦象叢下垂經冬不枯或謂即莎也考爾雅翼沙葉似三稜根周匝多毛兀喇草當是沙之一
種性暖能禦寒避濕藉炕奇溫極而熟之以薦履行冰雪中足不凍履用方尺牛皮屈曲成之不
加線綴履及足背者之輕且暖便操作利跋涉冬夏皆宜因用此草薦履故即以兀喇名履或謂
兀喇履名非草名西清外記都下諺云關東三寶人參皮兀喇草草細軟溫暖宜藉兀喇故名考
齊齊哈爾建城之始駐防官兵向皆著布靴後官多綴靴冬日行役率著兀喇踏踏馬兜兀喇鞋
類踏踏馬兜靴類皆以牛皮為之軟底而藉以草輕暖異常兵多勒子鞋或曰踏踏牛兜亦藉草
據此則兀喇固鞋名非草名也踏踏馬兜一作邊朝馬謂騎者用之兀喇或作馬拉俗象形附會
改作兀鞞非是

土人冬皮帽春夏皆絨綴以貂尾墨爾根等城草帽亦有綴貂尾者或謂兵丁之便服

蒙倫達胡爾以鷹頭為帽皮為服雙耳挺然黃毳周身備來城市少見者多以為怪（以上衣非類）

鄂倫春地宜樺宜履實履帳舟車皆樺為之齊哈爾老樞亦能然九二厥鑄製樺皮汁卜魁樺皮鞍板尤為土產之一

樺木考

樺木之用甚廣自古為著玉篇木皮可以為燭通作華壯子讓王扁原憲華冠縱履註以華皮為冠宋洪皓使金留冷山十五年以樺皮習書遠近嚮慕司馬相如上林賦華楓杆據師古註華即今樺皮貼弓者唐韻樺同樺爾雅樺木櫨洛註可為林器小雅無浸櫨新陸璣疏櫨柳榆也其葉如榆其皮堅韌剝之長數尺可為恒索其材可為林器今攷樺皮似山桃有花紋紫黑色澤而白者為香樺皴而蒼者為臭樺傳皮兩層外白內紫厚二三分卷之可引火製冠可造履可裹弓背可貼車為蓋為營慮為札哈為角吹縱縫之為斗斛大擔小戚末麴羅剝則雕鏤精巧宜貯櫛榔聞暹煙曰老羌汁其幹宜製板宜刀柄宜專常用為宜燒炭宜鐵道枕木其枝宜箭幹曰樺木箭幹齊齊哈爾貢品也又英和卜魁紀略地產樺木其外皮為膠內皮為樺皆可以飾器考曠木名也入水久化為石曰安石可為鏃肅慎氏之石器即此因其類松而小遂相訛為松化唐之僕骨康于石清之瀛臺木變石當即曠也紀略謂樺即曠石雖未可知然樺木為用之廣益見本草樺生西北陰寒地味苦氣平無毒乳難腐爛汁之律及燒灰酒服一錢日一服此其用又通於

醫矣

商賈初通以貂易釜每一釜實紹令滿易之後漸以貂慮釜口嗣圓釜三匝一釜輒七八紹今則一紹值數十釜矣

達胡爾車曰轆轤輪不求其圓轆不求其直軸徑如椽能載重致速牛曳之亦曰牛車當者甞為蓋蔽風雪間用椽皮如指式又曰椽皮車

黑龍江省高等審判廳長周計欽君達胡爾車詩曰有族達胡爾錯居嫩江澳特產輕便車椽柞為輪較輪徑四尺餘圓近高車俗周廓舍雙弓大拱繼曰爆矯經歲時堅強始奉曲良匠結構成宛然輕就熟北微道平平追飛速於鶻紀俗肇嘉名初武疑創作首義協轆轤名正雙聲合或稱大轆輪象形尤髣髴嗟哉大興安虎眦北門鑄輪轆負歐亞殊風漸異域墨守鑿前車經邊賴遠略同軌期何時光我大漢族

自注達胡爾車江人或稱轆轤車亦稱大轆輪車

威呼獨木船也長二丈餘欄窄膝頭尖尾銳載數人水不及舷僅寸許而中流濤濤駛如箭亦可聯二為一以濟軍馬扎哈較威呼更小載受兩三人尤輕捷

扒犁清語曰法喇制如冰牀而不使銹條屈木為轆馬二馬行雪上疾如飛亦有駕狗者當即元時

諾尼江沙中多五色石質潤而堅脆不受琢故不成器土人磨之以飾烟筒曰江石嘴與卜魁火
鑊同為土產佳品（以上器用類）

嫩江石考

說文石美者為玉嫩江石五色晶瑩如瑪瑙如琥珀如翡翠珊瑚亦玉石類也後漢書東夷傳夫
餘國於東夷之域最為平故土宜五穀出名馬赤玉大珠如酸棗三國志魏書東夷傳亦謂夫餘
國出名馬赤玉貂欵美珠考齊齊哈爾地當夫餘國北境後魏書所謂北夫餘也赤玉近人謂即
東珠說頗近是陶穀清異錄契丹東丹王寶巧石數拳曰空青府今嫩江流域在昔固契丹地也
方氏龍沙紀畝謂五色石產黑龍諾尼兩江漁人得空青不敢私匿將軍酬以值遣官奏進或弁
卒自得之即遣送京師奏其名例得賜紵帛西清外紀亦謂黑龍江出空青其人茫不知空青為
何物是知嫩江石名之著自古已然又齊齊哈爾稱嫩江石亦曰可攷玉篇珂石次玉也集韻珂
或作珂史記司馬相如傳水玉磊珂註水玉水精也後魏書高句驪傳黃金出自夫餘珂則涉羅
所產涉羅為齊齊哈爾西南境正始中為北齊所並今人稱嫩江石為珂不為無自余有石癖居
魁垣稍久每於秋涼水落之時偕二三好友散步江干採石為樂水碧沙明俯拾即是亦者黃者

白者紫者紺者藍者綠者黑者奉者叩者角者圭者桃者李者蠟者蠟者之者筍者如散寬如明星如念珠如碎錦奇彩繽紛不可方物此樂不減蓬萊閣下萬斛珠璣拾置案頭足供清玩養鳥蒲尤陸離可愛妙趣天然寧必斷真雜樸負造物者之苦心哉昔後晉天福中張匡鄴于闐行程記謂于闐城外有玉河三：一白玉河一綠玉河一黑玉河五六月水漲玉隨流而至多寡視水小大七八月水退可取被人謂之撈玉請以其說註嫩江石

喇嘛有跑竈術蒙古達胡爾失物喇嘛以繩繫板凳挽而咒之竈自行如飛止某塚曰盜也搜之無獲則又咒竈又自行嘗止數塚卒無獲而被搜者傾筐倒篋所失轉多

老嫗多邪術乞貸不遂咒人生瘡或於飲食中行厭勝法魚肉反生入腹中脹而死瘡則有殘廢者名曰種蠱

人京靈厨炕壁間有蟲曰章郎孽生極惡俗神之不敢撲殺謂殺且多睡後食人目其迷信如此

章郎蟲考

齊齊哈爾居民家多章郎蟲睡後皮膚輒被咬奇養且痛蓋不潔之化生物也余初來江時僦屋中是虫尤夥寢具食食穢集始通書函有麩糊氣都被咬碎因囑家人撲殺之極一晝夜之力始告肅清一歲婦見之駭絕曰是為可殺者殺且不祥汝嗟而去噫此么麼所由蕃滋也考章郎蟲

書多不載。人呼曰活郎。登州沿海多有之。生舟中者尤大。非惟不敢撲殺。且忌呼其名。迷信較此間為甚。潮濕不潔之處。最易繁殖。殊礙衛生。春在堂。隨筆有記。章郎虫一則。錄後。

夏夜每有虫行几案間。亦能飛人。習見不為異。呼其名如曰章郎。不知是此二字否也。兗輩嘗問余。此虫有可考否。余謂自來注爾雅。廣雅及本草者。從不言有章郎虫。惟乾隆時錢塘趙學敏著本草綱目拾遺虫部有蠶馬云。俗呼賊郎。又作蠶娘。治疔瘡及一切無名腫毒。與小兒疳疾綱目所謂蠶蠟也。因案本草。洵注云。形似蠶虫。而輕小。能飛。本在草中。八月九月知寒多入人家屋裡。逃爾有兩種。以作廉蠶氣者為真。南人亦微之。余謂此虫雖廉蠶氣。然實生在屋壁間。不在草中。四五月間。即有非至八九月畏寒始入室也。陶注所云未知是此虫否。蘇恭注云。此虫味辛辣。而與漢中人食之言下氣名曰石蠶。一名蠶蜃。一名負盤。然則此虫即爾雅蠶蠟。蠶矣。郭璞注曰。即負盤。真蠶。邢昺疏曰。蠶是眞惡之虫。害人之物。故春秋左氏傳曰。有蠶不為災。亦不書。然則此虫又即春秋莊二十九年有蠶之蠶矣。漢五行志引劉向說。以為蠶色青。近青。青也。此虫之色不青。未必即春秋所書者。展轉推求。究無確據。惟廣雅有一說曰。蠶蠟。蠶蠟也。然則此虫即周禮注所謂蠟也。夏官亦及氏。凡隙屋除其糞虫。注謂蠟肌球之屬。按肌球蓋即蠶蠟。今所謂蠟衣虫也。蠟即此虫矣。之二虫皆藏匿牆壁內。亦及斥掌除牆屋。故主除之。亦可證其非生於草間也。蠶娘皆

俗字臙郎亦無義殆即蟪字之合音按子典蟪字有張略一音今呼童郎者即張略之轉也為一
小虫援引經史至數百言老人多事亦可笑矣

西北山中有小蛇為蜺類土人謂善釘人影遭者輒腫裂死呼曰七寸子(以上迷信類)
七寸子考

據土人言甘井子原屬齊哈爾境北山多七寸子謂是虫身長同七寸也兩端尖銳而中粗作
巨蛹形首尾模糊其一端有兩黑點能視有口較巨是為首部皮滑色青黑無足行時兩端先著
地挺身上昂即躍起既跌再起以次演進性仇視人影伏草間不易辨人經其前二端輒投影插
土中一端豎起振搖甚力蓋恐人影他移如釘釘物不使之脫也既去彼仍豎搖不止身亦漸縮
短久之成一扁圓形猶搖搖作勢終至氣脹皮裂崩然有聲身死乃已人則影雖被釘初不覺既
而精神恍惚心煩體燥周身漸腫中結愈短人腫愈增劇迫出死時人亦皮膚崩裂而絕症極險
時亦甚促雖醫藥不救也一人入山受此症不知病之從來有者告曰此七寸為祟速入山迹其
所經地真得七寸子搗爛敷腫處當無恙如其言果覓得是虫方豎搖道左體將扁矣急攜歸如
法搗敷病若天遂相傳為救治法云云是虫為蜺類亦蛇類本草射工射影水弩抱槍含沙短狐
水狐溪鬼亦百蟻名蜺類本甚繁山海經有蜺山者有蜺民之國桑姓食黍射蜺是食據此則蜺

不僅產於水也又曰有人方擗弓射黃蛇名曰蜮人蜮不僅為狐類亦蛇類矣是虫且害似蜮其形似蛇自屬蛇與蜮之一種竹書紀年周惠王二年王子頹亂王出居鄭鄭人入王府取玉玉化為蜮射人是知物能暗殺人者古人皆謂之蜮射是虫射影殺人儼然蜮耶又爾雅釋虫蝮蛇注身廣三寸頭如人擘指本草蝮蛇形不長頭扁口尖文斑青黑色人犯之頭足貼者七寸於蛇中類蝮其毒可知或謂七寸子有二種皆蛇類其一種不為人害渤海間俗稱曰驢射搗象其形也豎立田野中挺然不動如枯枝然為或木棲則被吞噬時亦立草際以此法博虫類為生活究竟與釘影者是一是二姑錄存備攷

錄用京制五百當千除百法一千六文五百三文未穀銀一兩折錢一千七百文他貨則否

銀錢大者五十三兩小者五兩凡二種銀錢重五兩凡一種

案齊齊哈爾本用銀之國銀貴且重刻析甚難制錢既缺日必輔以紙幣清康熙末年迄光緒中葉為商帖輔幣時代光緒三十年官商合股組設廣信公司立於近今又為官帖輔幣時代

計地以响每响十畝計响以弓每弓五尺每响寬四十八弓長六十弓共面積二千八百八十弓四十五响為方三十六方為井是為官响

案江省新荒初闢爾時尚無精密之計算法特就一日所種地數約略言之因名曰响每地一段

分為若干井每井方廣六里就中劃為九區每區劃為四方每方四十五晌蓋師成周井田之制
又通俗之晌與官晌略異計田以壘計壘以長不以寬假定每壘橫三尺縱壘積長七千二百尺
即為一晌以此類推故官田每晌僅及通俗之晌十分之八

量穀以匣稻米等謂細量一匣為一斗曰小斗燕麥大麥等謂粗糧一匣為一斗曰大斗每匣容水
重量約三十斤有奇

權物以秤水重十六兩為一斤（以上制用類）